

# *THATA YA MODIMO*

## *YA GO FETOLA POPEGO*

 [Mokaulengwe Branham o itsisewa ke Mokaulengwe Carl Williams—Mor.] Ke a go leboga, mokaulengwe. [“Go tlhomame go tlaa nna tshiamelo ka nneta go nna le Mokaulengwe Branham a tlaa kgapetsakgapetsa jaana mo Phoenix. Ke akanya gore o tla mo Phoenix go feta gongwe le gongwe. Mme re batla a nne a tla, fa fela ke santse, ke le mo tikologong fano le gale. Modimo a go segofatse, Mokaulengwe Branham.”] Leboga, ke a go leboga, Mokaulengwe Williams.

Moso o o molemo, ditsala. Nna ke... Bana ba lelwapa la ga Shakarian, Mokaulengwe Williams le Kgaitadi Williams le ba le bantsi ba bone fano ba a itse ka ga yone. Ke ne ka bona seo mo ponong, go batlile go nna dinyaga di le pedi kgotsa di le tharo pele ga a ne a lwala, mme e na ya diragala.

<sup>2</sup> Mme ngwagola fa re ne re le fano, ke a dumela e ne e le ka Ferikgong, kwa bokopanong, e ne e le nako e moperesiti yole (leina la gagwe ke mang? Ke lebala leina la gagwe jaanong) a neng a le fano. [Mongwe a re, “Stanley.”—Mor.] Stanley, Mobishopo Stanley, go tswa kerekeng ya Khatholike. Lo a gakologelwa mothhang a neng a ntli setsa Baebele, lo a itse, a bo a nthaya a re.

Go ne go le go porofeta makgetlo a a mmalwa, “Morwadiaka, o fodisitswe.”

<sup>3</sup> Mme o ne a itse gore pono e ne ya re ena ga a tle go siama. “Ena o tlaa swa magareng a nako ya bobedi le boraro mo mosong.” Lo gakologelwa seo? [Mongwe a re, “Ee.”—Mor.] Jalo, nako ya bobedi kgotsa ya boraro.

<sup>4</sup> Mme nna ke ne ke se kgone go bolela Demos. Mme le fa go le jalo ke ne ka bolelela mmaagwe o o seng wa madi, gone kwa ka ko kamoreng, gone go ralala lefelo fano. Ke ne ka re, “Ene ga a yo siama.”

Mmê Shakarian ne a re, “Sentle, mongwe le mongwe o a porofeta.”

<sup>5</sup> Ke ne ka re, “Jaaka go solo fetswe, nka nna ka bo ke le phoso, ka bona, fela ke ne ka se bolela. Ga a yo siama.”

<sup>6</sup> Ke ne ka bolelela ba le bantsi ba bona, go ka nna dinyaga di le tharo tse di fetileng, “Ke ne ka mmona a tabogela go iphalotsa, mme o ne a tsena mo bolaong. Mme o ne a tsholetsa diatla tsa gagwe a bo a kuela kwa go nna, fela jalo. Mme nna—nna ke ne ke sa kgone go mo fitlhelela. Mme foo ke ne ka mmona a swa.

Mme ke ne ka leba, mme go ne go na le sengwe, go ne go na le tshupanako, mme e ne bontsha sengwe magareng a nako ya bobedi le boraro.”

<sup>7</sup> Mme jalo bishopo ne a re, “Sentle, ke tlaa leba fela mme ke bone ka foo seo se diragalang.” Jalo, gone go ne ga diragala.

<sup>8</sup> Rona ka tlhomamo re maswabi. Ke ikutlwa gore kereke e latlhegetswe ke motho yo o montle, mo go Kgaitsadi Florence Shakarian. Fela, o ne a le moopedi yo o montle, o ne a le mosadi yo o tletseng Mowa.

<sup>9</sup> Ke ne ke na le mmaagwe; mmaagwe o ne a le mongwe wa ba ke kopaneng le bona ba ntlha ba ke neng ke na le bona fa Letshitshing la Bophirima, fa mmaagwe a ne a fodisiwa. Motlhlang dingaka di ne di... Ena o ne a le mo kidibanong e kgolo, mme a rurugile gotlhe. Mme jalo ding—dingaka tse di neng di le koo di ne tsa nthaya, tsa re, “Jaanong fa o rapela o dire ka modumo o o kwa tlase tota. O se dire leratla le le ntsi. Mosadi yo o a swa.”

Ke ne ka re, “Ee, rra.”

<sup>10</sup> Mme o ne a re, ka nako eo, ne a tswelela fela a mpolelela. Mme, sentle, ga ke a ka ka nna le e leng photlha ya go bula molomo wa me, ga jalo.

<sup>11</sup> Jalo, e ne e le Mokaulengwe Demos o neng a mpolelela go tswelela ke ye mme ke ye golo koo ke mmone.

<sup>12</sup> Jalo, ke ne ka ya kwa kamoreng tse di kwa godimo. Mme Florence o ne a khubame mo bodilong, ka nako eo a le mosetsana o mo nnye o montle, le basadi ba bangwe go feta. Mme ka ya ka koo mme ka mo rapelela, ka bo ke mo e bolelela. Mme ena o ne a idibetse. Mme ka bo ke mmolelela gore ena o ile go tsoga gape. Mme o ne a dira. Dinyaga di le mmalwa morago, o ne a swa. Mme jaanong Modimo o araba dithapelo tsa rona.

<sup>13</sup> Mme re itse seo, re dumela gore rona rotlhe re tlie fano ka thato ya Modimo, mme re tloga ka tsela e e tshwanang. Ka bongwe ka bongwe, rona mongwe le mongwe re tlaa ralala kgorwana e. Mme le ke lebaka leo re leng fano mosong ono, re phuthegile mmogo mo Kabalanong ena ya Banna ba Kgwebo ba Bakeresete, ke go bolela ka ga dilo tsena, le go di ipakanyetsa, ka gonne re a itse gore tsone di tlhomame di ile go tla.

<sup>14</sup> Jaanong Kgaitsadi Florence ke mosadi yo monana, bogolo jwa dinyaga di le masome a manê le bobedi, Mokaulengwe Williams o fetsa go mpolelela, mme o monana thata. Fela pele ga bona, o ne a itse gore o na le bolwetse, goreng, ke ne ka bona pono ya gagwe mme ya mpolelela bofelelo jwa gagwe. Foo, go ne go tlaa nna jalo. Modimo o itse gotlhe ka ga gone, le ena a neng a bona Jesu pele ga a tsamaya. Rona ga re batle fela go mo rapelela, ka gonne re dirile seo gantsi jang. Rona fela re batla go leboga

Modimo ka botshelo jo bo neng bo le mo gare ga rona, jo bo neng jwa re tlhotlheletsa rotlhe, jaaka Kgaitadi Shakarian.

<sup>15</sup> Mme re batla go rapelela Mokaulengwe Demos, Kgaitadi Rose. Mme gakologelwang, bona ba nnile le bothata jo bo boitshegang thata mo botshelong jwa bona, mo go tse di fetileng...ke rraagwe monna, le kgaitadia monna jaanong mo tsa gagwe...dinyageng tsa kwa bofelong. [Mongwe o bua le Mokaulengwe Branham—Mor.] Fela, mme, eya, ko tlase ga, tlase ga, dikgwedi di le lesome; mme kgaitadi, Kgaitadi Edna, le ena.

<sup>16</sup> Jalo, ke itse ka fa nka utlwelang Mokaulengwe Demos botlhoko ka teng. Ke ne ka nna le rra, morwaarré, mosadi, le lesea, ba neng ba tsamaya ba kgaogana ka malatsi a le mmalwa fela, jalo nna—nna ke itse ka foo a ikutlwang ka gone mosong ona. Wena o itse fela fa o eme ka mo dithakong tseo, foo ke fa wena o itseng ka foo o tshwanetseng o utlwelang botlhoko. Mme...

<sup>17</sup> [Tsamaiso e e godisang modumo e a gwetla—Mor.] Ke ne ka dira jalo ka bonna. Intshwareleng. Ke ne ka itaya sediriswa sengwe golo gongwe fno, ka seatla sa me. Jalo nna ke—nna ke maswabi ke ne ka se dira se nne leratla thata, mme ke sa ikaelela go dira.

<sup>18</sup> Jalo a rona re emeleleng jaanong fa re sa...fa lona lo ka kgona, fa gone go le...A re obeng diltlhogo ya rona.

<sup>19</sup> Rara wa kwa Legodimong, rona re phuthegetse fano mosong ono go obamela Wena, le go Go neela ditebogo le thoriso, ka ntlha ya go romela Jesu Morekolodi wa rona, gore rona re na le tshepo morago ga botshelo jona bo sena go feta, re bonang gore ga go a tlhomama thata gore rona re tshela fano nako yotlhe. Mme, Rara, go bona diemo tse di tlhomolang pelo tse mebele ena e ka tsenang ka mo go tsone, rona re itumetse gore ga re a tshwanela go nna fano nako yotlhe. Wena o dirile tsela ya phalolo, go fologa go ralala mokgatšha wa loso.

<sup>20</sup> Mme, Rara, rona re tletse ditebogo go Wena mosong ona, ka ntlha ya botshelo jwa yo o neng a eme le rona, go sa feta ngwaga o o fetileng, a opela dipako tsa Gago; Kgaitadi Florence Shakarian, jaaka re ne re mo itse. Mme Wena o ne wa re bolelela go le nako e telele pele ga gone, le e leng dinyaga, gore sena se ne se ile go diragala, gore go tle go se nne tshisibanyo e kgolo thata ko go rona. Mme re a itse gore se Wena o se bolelang ke nnete. Mme foo Lefoko la Gago le re, “Motho yo tsetsweng ke mosadi, o tletse ka malatsi a le mmalwa mme o tletse ka mathata.” Re a itse seo ke nnete, le sone, Morena. Re a itse rotlhe re tshwanetse re tle re fologe go ralala mokgatšha oo. Jalo re a Go lebogela botshelo jwa gagwe jo bo neng bo le fano fa lefatsheng. Mme re dumela ka tumelo, gore jaanong, mosong ona, ena o fetile go tloga mo ntlong ena ya diji e e bogisegang, go ya ka mo mmeleng o o galalelang o o ka se kitlang o lwalla. Mme dineo tsa gagwe tsa

go opela, le lentswe le neng a na le lone, le mowa wa gagwe o o leng mo letlotlong la letlhogonolo la ga Keresete! Gore fa a ne a ka kgona go boa mosong ona, o ne a tlaa go dira go se tsela epe fela; o ne a tlaa tshwanela go feta fa gare ga sena gape. Se e leng gore, jaanong se fetile, ena o na le mmaagwe le rraagwe. Ba ne ba biletsha lesea la bona gae. Jalo, rona—rona re leboga Wena.

<sup>21</sup> Re batla gape go rapelela Mokaulengwe Shakarian wa rona, kgomotso, mokaulengwe wa rona yo o rategang thata yo o rategang, re itseng botshe—botshelo jo ena a bo tshedileng, le ditlhorisego tse yena a di dirafalelwang mo malatsing ano a bofelo, le ka foo a leng ka teng; re mmonang a tsofala, le moriri wa gagwe o nyelela, le magetla a gagwe a obega, mme le fa go le jalo a lekang go dula mo mafelong ka ntlha ya Modimo. Modimo, mo neele maatla gompieno. Re a rapela, Modimo, gore Wena o tlaa go dumelela. Ko go botlhe bao ba ba swetsweng ka ntlha ya go tsamaya ga gagwe, re rapelela mongwe le mongwe.

<sup>22</sup> Mme re letlelele, Morena, jaaka re akanya ka ga sena, re gakologelwa gore le rona re tshwanetse re tsamaye letsatsi lengwe. Kgantele re ntse mmogo fano mo Bolengteng jwa Morena Jesu, re tlaa Go lopa gore o tlaa tlisa sena se le seša mo kgakologelong tsa rona. Mme mma rona re tlhatlhobeng, jaaka go ne go le ka gone, kgotsa re batliseng matshelo a e leng a rona, gore rona re nneng fa tlase ga Madi le ka mo Tumelong. Go dumelele, Morena.

<sup>23</sup> Jaanong jaaka ke leka mo tlase ga mabaka ano go tlisa molaetsa o mo nnye mo bathong, gompieno, ke a rapela gore O tlaa nthusa, Morena. Nnatlatfatse, gonne nna—nna—nna ke a go tlhoka, Morena. Mme ke a rapela gore O tlaa go dumelela. Mme mma sengwe se bolelwe se se tlaa Go tlol lang. Mme fa go le mongwe mo tlase ga modumo wa lentswe la rona mosong ono, o a sa ipaakanyetsang go kgatlhantsha oura e e letseng fa pele ga bona, mma ena e nne nako e e leng gore motlhlang bona ba tlaa ineelang ko go Ena Yo neng a re, “Ke nna Tsela, Botshelo, Boammaaruri,” e leng Morena wa rona Jesu Keresete. Gonne re go kopa mo Leineng la Gagwe. Amen. (Lo ka nna la dula.)

<sup>24</sup> [Mongwe mo seraleng o bua le Mokaulengwe Branham—Mor.] Mokaulengwe fano o batla go itse fa e le gore mongwe le mongwe o kgona go utlwa sentle. O na le dikapamantswe di le pedi tse di tshubilweng. A moo go siame? Lo kgona go utlwa? Tsholetsang diatla tsa lona fa lo kgona go dira. Lo kgona go utlwa? Tsholetsang diatla tsa lona. Go siame.

<sup>25</sup> Ke maswabi gore ga re na sebaka sa go nna sa mongwe le mongwe mosong ono. Mme re tshepa gore nna ga ke na go nna golo fano lobaka lo lo lee, fela mo go lekaneng go ka re tlisetsha motlhaope go balwa ga Lefoko; gore Morena Modimo o tlaa tlota Lefoko la Gagwe le le ntseng le balwa, mme a re neele

ga letlhogonolo la Gagwe, gore re tle re kgone go ka Mo direla ka lona.

<sup>26</sup> Jaanong ke ne ka bolelelwa ke Billy Paulo, mosong ono, gore go ka nna ga kgonega gore re ka bo re bua Letsatsi la Tshipi le le tlangu ko Asembling ya Grantway ya Modimo, ko Tucson. Fa go le mongwe fano go tswa Tucson, nka tswa ke sa tle go kgona go go bona mo bekeng ena. Ke tlaa bo ke le kwa Asembling ya Grantway ya Modimo, Letsatsi la Tshipi le le tlangu.

<sup>27</sup> Jalo jaanong re fetsa go boa go tswa golo ko Botlhabatsatsi, mme nna ka mohuta mongwe ke ne ka itapisa ga nnye, ka go ja thata, ka ntlha ya bopelonomi jo bo ntsi jwa batho golo ko dithabeng. Mme—mme ke ne ka lwala, jalo ga ke ise ke ikutlwae ke siame mo bekeng ena. Jalo, lo nthapeleleng. Mme . . .

<sup>28</sup> [Mongwe a re, “Ophosamo e ntsi thata.”—Mor.] O reng? [“Ophosamo e ntsi thata.”] Mokaulengwe Carl Williams ka bokgoni jwa gagwe jwa go tshegisana, mme ke akanya gore re a bo tlhoka gone jaanong, o ne a re, “Ophosamo e ntsi thata.” Ga ke itse ka ga seo, Mokaulengwe Carl, fela bontsi bo fo feletseng jwa megwelegwele. [Mokaulengwe Branham o a tshega.]

<sup>29</sup> Jalo lo batla go rapelela mongwe mosong ono, goreng, nna—nna ka tlhomamo ke lebogela seo fa se tlaa nna nngwe ya thapelo ya lona ka ntlha ya me, gobane nna—nna ke a e tlhoka.

Jaanong re batla go ya ka mo Lefokong ka bonako.

<sup>30</sup> Mme ga ke batle go lo tshola fano nako e ntsi, ka gonne ke a dumela go na le kgokagano ya difounu go ralala setšhaba, mo go sena mo mosong ona, go ya tsela yothle go tloga kwa Letshitshing la Bophirima go ya kwa Letshitshing la Bothhabatsatsi, go tswa Bokone le Borwa. Diasemblis di le dintsi, ntsi ba na le bodulou jona jaaka lona lo ne le bone fano ko motlaaganeng. Le one o gokagantse ko Phoenix, gore gongwe le gongwe kwa ditirelo di leng gone, go tlaa gone ka fa teng ga dikere. . . Mme ba phuthegela ka mo dikerekeng le magaeng, le dilo tse di jaaka tseo, go ralala lekhulu le le siameng tota. Ba re gone go botoka go na le kgaso. Ke kgokagano ya difounu, ba baya seamogedi kgotsa sekapamantswe, kgotsa le fa e ka nna eng se e leng sone, ka ko bonnong. Mme bona. . . Mosadi wa me ne a re, go tswa ko Indiana beke e e fetileng, go fitlha golo ko Tucson, go ne fela go tshwana le fa o eme gone ka mo kagong. Jalo re rapela gore Modimo o tlaa segofatsa botlhoko a Modimo, gore lona le ise mebele ya lona e le setlhabelo se se tshelang, se le boitshepo, ebile se

<sup>31</sup> Jaanong ka kwa ko Bukeng ya Baroma, kgaolo ya bo 12, le ditemana tsa bo 1 le bo 2, re eletsa—eletsa go bala Lekwalo lena.

*Ke a lo lopa ke gone, bakaulengwe, ka maatlwelo  
botlhoko a Modimo, gore lona le ise mebele ya lona e  
le setlhabelo se se tshelang, se le boitshepo, ebile se*

*amogelesega ko Modimong, mo e leng tirelo ya lona e e tlhaloganyegang.*

*Mme lo se ka lwa dirwa le tshwane le lefatshe lena: fela lo fetolweng ka go ntšhafatswa ga tlhaloganyo ya lona, gore lona tle lo rurifatse se se leng molemo, gape se itekanetse...molemo, se amogelesega, se itekanetse, e le thato ya Modimo*

<sup>32</sup> Jaanong, fa Morena a ratile, ke batla go tsaya serutwa sa me ka ntlha ya moso ono, mo go: *Thata ya Modimo Ya Go Fetola Popego.*

*Gore lo se tswe la dirwa go tshwana le lefatshe lena: fela lo...lo fetolwe popego ka go ntšhafatswa ga tlhaloganyo ya lona, jaanong, gape lo rurifatseng seo se se leng molemo, se itekanetse, ebole se amogelesega, e leng thato ya Modimo.*

<sup>33</sup> Yona ke temana ya kgale e e itsegeng e ba le ba ntsi ba lona badisa lo e dirisitseng go fologa ka nako ya lona. E nnile e diriswa fa Yone esale e kwadiwa. Fela le fa go le jalo, selo se le sengwe ka ga Lefoko la Modimo, Lone ga nke le tsofala, ka gonne Lone ke Modimo. Ga nke Le tsofala. Go ralala tshika nngwe le nngwe jaanong, go batlile thata go le gaufi le, go ka nna dinyaga di le makgolo a a masome a mabedi le ferabobedi, kgotsa mo go botoka, Lefoko lena la Modimo le nnile le balwa ke batho, baperesita, le jalo jalo, mme Lone ga le ke le tsofala le gope. Ke nnile ke Le buisa, ka bona, ka dinyaga dingwe di le masome a mararo le botlhano. Mme nako nngwe le nngwe ke Le bala, ke fitlhela sengwe se sesa se ke se tlotsgeng ka nako ya ntlha. Ka gonne, Lone le tlhotlhleditswe, Lone ke Modimo mo popegong ya tlhaka. Lo a bona, Lone ke dikao tsa Modimo di tswelela go bua, mme di beilwe mo pampiring.

<sup>34</sup> Dinako di le di ntsi, motho ne a re, “Sentle, jaanong, motho o kwadile Baebele ena.” Nnyaya. Baebele e re, ka Boyone, gore Modimo o kwadile Baebele. Yone ke Lefoko la Modimo.

<sup>35</sup> Mme Lone ga le kitla lo palelwa. Jesu ne a re, “Magodimo le lefatshe di tlaa palelwa, tsa feta, fela Mafoko a Me ga a kitla a palelwa.” Mme Lone ga le kitla le palelwa le gope, mme le leng Modimo, ka gonne Lone ke ntlhanngwe ya Gagwe.

<sup>36</sup> Mme foo wena o leng morwa wa Gagwe le morwadi, o ntlhanngwe ya Lone, mme moo go go dira nthhangnwe ya Gagwe. Jalo leo ke lebaka le rona re tlang go abalana mmogo mo tikologong ya Lefoko la Modimo.

<sup>37</sup> Jaanong lefoko lena *fetotswe*, ke le batlisitsitse ka mo thanolong, maabane. Motlheng, ke batlile ke timelelwya ke nako e ke neng ke tshwanetse go nna fano, fa ke ne ke batlisisa temana, mme ka fitlhela lefoko lena, kgotsa temana ena, ke raya seo, Lekwalo. Mme ka mo thanolong e re lona ke “sengwe se se fetotsweng.” Ke go “fetolwa.” *Fetotswe Popego*, “go dirilwe

go farologana le ka foo go neng go le ka teng.” Go nnile, “Maitshwaro a sone le sengwe le sengwe di ile tsa fetolwa mo go sone,” *go fetola popego*.

<sup>38</sup> Mme nna ke akanya mosong ono, ko Genesi 1. Lefatshe lena le ne le sena popego, eibile le sena sepe, gape lefifi le ne le le mo godimo ga lefatshe; go se sepe fa e se tlhakatlhakano e feletseng. Mme erile lefatshe lena le le mo seemong seo, Mowa wa Modimo o ne wa tsamaya mo godimo ga metsi, mme setshwantsho sothle se ne sa fetolwa; go tloga go tlhakatlhakano e feletseng, go ya go tshimo ya Etene. Eo ke Thata ya Modimo ya go fetola popego, e e ka tsayang sengwe se se seng sepe mme ya dira sengwe se se gakgamatsang go tswa mo go sone. Thata ya Modimo ya go fetola popego!

<sup>39</sup> Mme re tlhaloganya seo, ka go buisa Dikwalo, gore Modimo o ne a le dinyaga di le dikete tse thata—thataro mo go direng ga paakanyetso eno ya Etene ena. Jaanong, Ena o ka tswa a sa bo a nnile bolele jo bo kalo; fela ka akanyetsa fela, eibile le go tsaya mo Lekwalong kwa Le rileng “letsatsi le le lengwe le Modimo, ke dinyaga di le sekete mo lefatsheng,” ke gore, fa Modimo a tshwanetse a bale nako. Mme a re go ne ga nna dinyaga di le dikete tse thataro tse A nnileng le tsone go direng lefatshe, mme O ne a jwala mo godimo ga lefatshe peo yothle e e molemo. Moo go ne go le fela sengwe le sengwe se itekanetse.

<sup>40</sup> Ke a akanya, dinako di le di ntsi, le fa e leng gore banyatsi ba simolola go buisa Buka ya Genesi, ba simolola go E nyatsa, ka gonne ekete e Ipoeletsa kgapetsakgapetsa ka Boyone, kgotsa e go latlha fano le fale.

<sup>41</sup> Fela fa rona re tlaa lemoga motsotso, pele ga re ka tsena ka mo temaneng ya rona, gore, Moshe o ne a bona pono. Mme Modimo ne a bua le ena. Modimo o ne a bua le Moshe sefatlhego se lebagane le sefatlhego, pounama go lebagana le tsebe. Jaanong, Ena ga a ise a bue le motho ope o sele jalo, jaaka A dirile Moshe. Jaanong, Moshe o ne a le mogolo, mongwe o o mogolo go feta thata wa baporofeti botlhe. O ne a le setshwano sa ga Keresete. Mme jaanong Modimo o kgona go bua, O na le lentswe. Lone le nnile la utlwiwa. Modimo o kgona go bua.

<sup>42</sup> Mme Modimo o kgona go kwala. Modimo o ne a kwala Ditaelo tse di lesome ka monwana o e Leng wa Gagwe. O ne a kwala mo dipoteng tsa Ba—Babilone gangwe, ka monwana wa Gagwe. O ne a obegetse faatshe mme a kwala mo motlhabeng ka nako nngwe, ka monwana wa Gagwe. Modimo o kgona go bua. Modimo o kgona go bala. Modimo o kgona go kwala.

<sup>43</sup> Modimo ke Motswedi wa letlhogonolo lotlhe le Thata, le wa botlhale jotlhe jwa Selegodimo, bo ka mo Modimong. Jalo ke gone moo, re itseng seo, Ena ke Motlhodi a le esi yo a leng gone. Ga gona motlhodi o mongwe fa e se Modimo. Satane ga

a kgone go tlhola, gotlhelele, ena o sokamisa fela se se ntseng se tlhodilwe. Fela Modimo ke Motlhodi a le esi.

<sup>44</sup> Ke gone, O ne a tlhola ka Lefoko la Gagwe. O ne a romela Lefoko la Gagwe. Jalo dipeo tsotlhe tse A di beileng mo lefatsheng, O ne a bopa dipeo tseo ka Lefoko le e Leng la Gagwe, gonne go ne go se sepe se sele go dira peo ka sone. O ne a di beile, mme di ne di le ka fa tlase ga metsi. Ena o ne a re fela, “A go nne sena, le gore a go nne le sele.”

<sup>45</sup> Jaanong re fitlhela gore, dinako di le dintsii, go lebega ekare Baebele e boeletsa kgotsa e bolela sengwe ko sengweng se E sa se boleleng. Sekai, ko Genesi 1 re fitlhela gore, “Modimo ne a tlhola motho mo setshwanong se e Leng sa Gagwe, mo setshwanong sa Modimo O ne a mo tlhola; nona le tshadi O ne a ba tlhola.” Mme foo O a tswelela, mme dilo di le d ntsi di ne tsa diragala mo lefatsheng.

<sup>46</sup> Foo re tla re fitlhela gore, go ne go se motho ope go lema mmu. “Ga tloga Modimo a tlhola motho go tswa mo loroleng lwa lefatshe.” Yoo o ne a le motho yo o farologaneng. “Mme O ne a budulela mowa wa botshelo ka mo go ena, a bo a nna mowa wa botho o o tshelang.”

<sup>47</sup> Motho wa ntlha o ne a le mo setshwanong sa Modimo, yo e leng Mowa. Johane 4, e re, “Modimo ke Mowa, mme bone ba ba Mo obamelang ba tshwanetse go Mo obamela ka Mowa le ka Boammaaruri.” Fela Modimo ke Mowa. Mme motho wa ntlha, o neng A mo tlhola, o ne a le motho wa mowa, mme o ne a le mo setshwanong le mo tshwanong ya Modimo.

<sup>48</sup> Mme a tloga A baya motho yona ka mo nameng, mme motho o ne a wa. Jalo ka nako eo Modimo ne a fologa mme a fetoga go nna ka mo setshwanong sa motho, gore A tla a rekolole motho yoo yo o weleng. Eo ke polelo ya mmannete ya Efangedi, mo mogopolong wa me—wa me.

<sup>49</sup> Jaanong, Modimo, ka dinyaga di le dikete tse thataro, o ne a jwala dipeo tsotlhe tsena tse di gakgamatsang, kgotsa O ne a bua Lefoko la Gagwe. “Go tlaa nna ka tsela *ena*. Setlhare *sena* se tla nna gone. *Sena* se tla nna gone.” Sengwe le sengwe se ne se itekanetse. Se ne se le molemo fela. Mme O ne a laela nngwe le nngwe ya dipeo tseo gore di tlaa nna gone, di tlaa iphetolela ka mo ditlhomong tse ka mo go tsone mohuta wa botshelo jo Lefoko la Modimo le bo boletseng bo tshwanetse go nna gone. Fa e ne e le setlhare sa moeike, lo ne lo tshwanetse go tlisa go bonagale moeike. Fa e ne e le mokolana, e ne e tshwanetse e tlise go bonagale mokolana.

<sup>50</sup> Ka gonue, Motlhodi o mogolo o ne a fetsa go romela Lefoko la Gagwe le bonagale, mme peo ya Lefoko e ne e le foo pele ga peo ya nnete le ka nako nngwe e ne e ka ba ya dirwa. Mme Lefoko le ne la bopa peo. Lo a bona, “O ne a dira lefatshe go tswa mo dilong tse di sa bonaleng.” Lo a bona, Ena—Ena o ne a dira lefatshe

ka Lefoko la Gagwe. Modimo o ne a bua sengwe le sengwe go nna teng.

<sup>51</sup> Mme a leng Modimo, Motlhodi, a buwang dilo tsotlhe go nneng teng, lo tshwanetse lwa bo e ne e le lefatshe le le itekanetseng. Le ne le lefelo le len—le le ntle. Le ne le le paradeise e e popota ya mma—ya mmannete fano mo lefatsheng.

<sup>52</sup> Jaanong, jaaka, lefelo lengwe le lengwe le tshwanetse go nna le setlomo golo gongwe. Phuthego ena e na le setlomo, mme kgaolo ena e na le setlomo, mme le kereke e na le setlomo. Mme Modimo o na le setlomo. Mme jalo lefelo le legolo lena, setshaba se re tshelang mo go sona, se na le setlomo. Mme Etene ena e ne e na le setlomo se segolo gore, mme setlomo sa yone se ne se eteielwa pele golo ko tshingwaneng ya Etene, kgotsa ko Etene, botlhabatsatsi jwa ka ko tshingwaneng.

<sup>53</sup> Mme Modimo o ne a baya mo godimo ga ena, go laola lebopo lotlhe lwa Gagwe fano mo lefatsheng, morwa wa Gagwe le monyadwi wa morwa wa Gagwe, Atamo le Efa.

<sup>54</sup> Modimo o ne a le Rraagwe Atamo. “Atamo o ne a le . . . morwa Modimo,” go ya ka Dikwalo. O ne a le morwa Modimo.

<sup>55</sup> Mme Modimo ne a mo direla mothusi, go tswa mo mmeleng o e leng wa gagwe; motlhaope go tswa mo legopong mo godimo ga pelo ya gagwe, gore a tle a nne gaufi thata le ena, mme a mo direla mothusi. O ne mo nneteng a ise a nne mosadi wa gagwe ka nako eo, go sa fete ka foo a neng a ise a nne monna wa gagwe ka nako eo; O ne a fetsa go go bolela. Mme moo ke kwa bothata bo tlang gone, Satane o ne a mo fitlhela pele ga Atamo a dira. Jalo, go ne go le fela Lefoko la Gagwe le neng A le boletse.

<sup>56</sup> Ke bolela seo, ga ke batle go dirisa nako e ntsi thata mo go seo. Fela bangwe ba lona ba ka tswa ba kgwereanye ga nnye, bogolo segolo bangwe ba batho ba kwa godimo ko—go tswa kwa Borwa, go lebega ba fitlhela sena se kgwereanya ga nnye, mo Molaetseng o ke nang le one go tswa kwa go Modimo gompieno, ko bathong, oo ka ga peo ya noga. Mme ke ile go ya gae, Morena a ratile, lengwe la matsatsi ano, ko Jeffersonville. Ke batla molaetsa o o batlileng o le dioura di le thataro, mme ke lolamise seo, lo a bona, gore o tle o bee seo mo mohuteng o e leng gore lo tlala itse se re bolelang ka ga sone. Mme one ke MORENA O BUA JAANA. Ona ke nnete fela jaaka motlhhang O neng o bona Kgaitjadi Florence wa rona pele ga a tloga, dinyaga di le mmalwa. Lo a bona, Ke Boammaaruri. Mme jaanong, rona, motlhamongwe re ne ra etsaetsegia.

<sup>57</sup> Fa mongwe a tlala tla kwa go nna, ka sengwe se se tshwanologileng, nna ka mokgwa mongwe ke tlala se go tlhaloganye, ka bona. Nka se rate go nyatsa se mongwe ope a se bolelang. Ga re a tshwanela go nyatsana. Nna ga ke molato wa go dira seo; ke leboga Morena. Ke nyaditse boleo le tumologo; fela e sang motho ope ka boene, lo a bona, nna—nna ga ke dire.

Re—re bakaulengwe le bokgaitsadi, re sokasoka, re fologela kwa Kgaitsadi Florence a neng a tla gone maabane mo mosong, lo a bona. Ena, rona, rotlhe re tshwanetse re tleng ka tsela eo. Mme ga se maikaelelo a me go—go nyatsa mokaulengwe kgotsa kgaitadi yo o ka sekang a dumalana le wena. Nnyaya, go kgakala le nna gore ke dire seo! Ga ke akanye gore le ka nako nngwe o tlaa fitlhela theipi e nna le ka nako nngwe ke neng ka bitsa leina la motho ope. Moo e leng gore, ke nnile ka ikutlwa makgetlo a le mantsi gore motho yo o phoso, fela go magareng a bona le Modimo. Fela se se leng phoso, mo tseleng ya boleo le . . . Mme diketsaetsegoo ka dinako dingwe ga se le e leng boleo, ke fela go sa tlhaloganyeng ga batho. Mme ke—ke akanya gore mongwe le mongwe wa rona o na le tshwanelo ya go ntsha maikutlo a rona a kutlwisiso tsa rona.

<sup>58</sup> Jaanong Motlhodi o mogolo ona o ne a emisa morwa wa Gagwe yo o tlhodilweng. Jaanong, Atamo o ne a le morwa wa Gagwe wa ntlha yo o tlhodilweng. Jesu o ne a le Morwa wa Gagwe yo o *tsetsweng* a le nosi, lo a bona, O ne a tsetswe ke mosadi. Fela Atamo o ne tswa gone ka tlhamallo mo seatleng sa Modimo, ko tlholegong.

<sup>59</sup> Jaanong setlomo, le Mo—Morwawe le monyadwi wa Morwawe mo godimo ga tsotlhe, go ne go lebega go itekanetse thata. Go ne go le mo—monna, tlhogo ya tsone tsotlhe, morwa o e Leng wa Gagwe le monyadwi wa gagwe.

<sup>60</sup> Mme peo nngwe le nngwe e ne e itekanetse,mekolana, le meeike, le bojang, le dinonyane, le diphologolo. Mme sengwe le sengwe se ne se le mo taalong e e itekanetseng le Ditaolo tsa Modimo, “O seka wa fetola tlholego ya gago. Ungwa mohuta wa yona, peo nngwe le nngwe! Moeike, o seka le goka wa sokamisetswa ka mo setlhareng sa phoopphoo.” Lo a bona? “Mokolana, o seka wa sokamisetswa ka mo go sengwe se sele. Fela peo nngwe le nngwe ka mo mohuteng wa yone!” Mme O ne a—O ne a e lebelela go ralala dinako.

<sup>61</sup> Mme O ne a boletse Lefoko. Mme Thata ya Gagwe e kgolo ya go tlhola e ne ya bopa dilo tsena tse di neng tsa tlhagelela, le e leng monna le mosadi. Mme ba ne ba le tlhogo ka gonnie ba ne ba le . . . ba ne ba le ba maemo a ntlha ko masikeng mangwe otlhe. Mme O ne a ba beile gape ka fa tlase ga tlhokomelo ya selo se se tshwanang le se A beileng ditlhare, diphologolo, le jalo jalo: Lefoko la Gagwe. Ga ba a tshwanela le goka, ka tsela epe, ba se seka ba tshegetsa Lefoko leo. Ba tshwanetse ba nne Moo. “Lo seka le ka gope la ntsha sengwe mo go Lona, kgotsa lwa tsenya sepe mo go Lona! Lo tshwanetse le tshele ka Lefoko lena.”

<sup>62</sup> Mme fa e le gore lebopo leo le ka bo le tshetse jalo, Kgaitsadi Shakarian o ne a sa tshwanela a ka bo a tsamaile mosong ona, fa e le gore le ne le tlaa bo le ntse jalo, itshetso e ntle ya Modimo!

Ke se re dumelang gore re lebile morago kwa go sone. Re boela morago ko khutlong eo, lefelong leo.

<sup>63</sup> Kwa mosong ole wa bosupa, motlhang Modimo a neng a lebelela kwa go lone lotlhe, mme A bo a re, “Go molemo. Nna—Nna ke itumetse ka lone. Eya, Ke—Ke—Ke itumetse Ke le dirile. Mme gotlhe jaanong go fa tlase ga taolo. Mme Ke beile tshepo mo morweng wa Me le mo mosading wa gagwe, gore—gore batle ba (ba dira tlhogo ya lone lotlhe), gore ba tlaa le tlhokomela mme ba bone gore le siame, gore sengwe le sengwe se tlaa ungwa mohuta wa sone. Jaanong o na le thata ya go dira seo.” Modimo ka nako eo o ne a re, “Sentle, fa gotlhe go le molemo jalo, mme go ka sekga nna sepe se sele, ka gonnie ke keletso e e Leng ya Me. Ke tsela e Ke e batlang ka yone. Mme Nna ke e boletse ka tsela eo, ebile Mafoko a Me a e tlisitse fela totatota ka tsela e Ke neng ke e batla. Mme yone ke eo. E molemo yotlhei!” Jalo Baebele e ne ya re, “Modimo ne a ikhutsa ka letsatsi la bosupa, mo ditirong tsotlhe tsa Gagwe.”

<sup>64</sup> Mme sengwe le sengwe mo tlase ga taolo, go ungwa ga mohuta wa sone. Jaanong gakologelwang, “go tlisa.” Motlheng A ne a jwala peo mo lefatsheng, peo e ka ungwa fela ka thata ya botshelo jo bo mo teng ga yone, go e fetola popego go tloga go peo go ya setlhomong, kgotsa le fa e ka nna eng se e neng e le sone. Thata ya Gagwe ya go fetola popego! Jaanong, Modimo ne a jwala peo mo teng moo, ka bokgoni jwa gore e tlaa nna se Ena a boletseng e tlaa nna sone. Mme fa e le gore e ne e ntse mo setlhopheng sa yone, e ne e tlaa bo e le fela totatota se Modimo neng a boletse gore e tlaa sone. Go ne go tshwanetse go nna ka tsela eo, ka gonnie O ne a go dirile ka tsela eo, mme a dirile moedi. Gore, sengwe le sengwe se se nnang mo moeding wa Gagwe, mo moleng wa Gagwe wa Lefoko, se tlaa tshwanela go ungwa fela jaaka Lefoko la Gagwe le boletseng gore se tlaa dira. Ga e na go kgona go tloga moo. Yona e diretswe moedi totatota ka go siama fela. Jalo, ka sengwe le sengwe mo tshepong ka mo morweng o e Leng wa Gagwe, gore e tlaa nna ka tsela eo, foo Modimo ne a re, “Gotlhe go molemo, jaanong Ke tlaa ikhutsa. Mme nngwe le nngwe ya dipeo tseo e na le thata mo boyoneng, go iphetolela ka mo popegong ya mohuta o Nna ke eletsang gore e nne yone. Oo ke o e tshwanetseng go nna one, ka gonnie Ke neile peo nngwe le nngwe thata ya go fetola popego, go dira go tswa mo go yone, mo bokgongi jwa yone jaanong go dira go tswa mo boyoneng tota tota e Nna ke batlang gore e nne yone.”

<sup>65</sup> Modimo ga a ise a fetoge le goka. Fela yo o tshwanang gompieno jaaka A ne a ntse ka nako ele! Modimo o ikaeletse go dira sengwe. O tlaa se dira. Ga go sepe se se ileng go Mo thiba. O tlaa se dira!

<sup>66</sup> Jaanong morago ga tsotlhe di siame jaana ebile di tlhomilwe mo taolong, Modimo ne a ikutlwa a tlhomame gore sena se tlaa nna se siame, mme foo, erile A dira, foo ne ga tla mmaba. Ke

ile go... Modimo ne a neetse thata ya go fetola popego. Mme ke ile go bitsa mogoma yona, ka thata ya go se—go se tlhole gape, fela ke ile... O ne a na le thata ya go golafatsa, e seng go fetola popego; fela go golafatsa. Jaanong, sengwe le sengwe se se golafetseng se tserwe go tloga mo seemong sa sone sa ntlha, go sengwe se se nnileng phoso ka sone.

<sup>67</sup> Dinyaga di le mmalwa tse di fetileng, mo paterolong, ke palamela go ralala masimo a mmidi, ke ne ke tle ke akanye ka ga, go ne go na le kala e pheutswe go tloga fa setlhareng, mme e ne e wetse kwa motlhakeng wa mmidi. Mme motlhaka o ne o leka ka bojotlhe jwa one go emeleta ka tlhamalalo jaaka o ne o tshwanetse go nna ka gone, fela o ne o golafetse ka gonne sengwe se ne se diragetse. Mme logong le ne le letse mo godimo ga ona.

<sup>68</sup> Foo re fitlhela gore motantanyane wa senaga mo nageng. Se e leng gore, ba le bantsi ba lona banna fano, le mothamongwe bangwe ba lona basadi... fa e le gore le tswa kwa Khenthakhi. Basadi ba dirisa mogoma oo koo go tshwana jaaka monna, ba ya kwa tshimong ka mogo—mogoma, re o bitsa mogoma wa segologolo wa thamo ya sehudi, mme re kgaoelele meta—metantanyane kwa ntle. Gonne, fa o sa ka wa ntshetsa metantanyane eo kwa ntle, kwa mmidi o neng o le mo moleng, *jaana*, foo motantanyane oo o tlaa otlolela, o tshware mmidi, o bo o ipofeleta go dikologa ka iketlo, motlhofo jang, ka boferefere, gore wena ka boutsana o tle o kgone go bolela gore se a ipofeleta. Mme kwa bofelong o nna le maatla go feta le go feta, mme o goge mmidi oo go ya go golafala. O o gogela kwa go sone, o o bofelele go dikologa thito le dikala tse e leng tsa one; o o golafatsa go se o neng o le sone, go nna sengwe se sele. Le fa go le jalo ke mmidi, fela ke mmidi o o golafetseng.

<sup>69</sup> Mme re sa le mo setshwanong sa Modimo. Fela bangwe ba golafetse jang, jaaka bomorwa Modimo, ba ba tshelang kganetsanong le Lefoko la Gagwe le tseleng e—e A re dirileng a ba a re tlamela gore re e tsamayeng. A tlhomamisa sengwe, lefatshe le re sokasokela kwa ntle ga tsela, le re gogele gaufi le lone, mme kwa kgakala le tsela eo e e tlhamaletseng, e e tshesane e Ena a re jwetseng ka mo go yona, go nna bomorwa le barwadi ba Modimo. Boleo bo dirile selo se se bosula sena ko barweng le barwading ba Modimo.

<sup>70</sup> Mogolafatsi! Ke a itse sena se lebega ekete ke se se sa tlwaelesegang go bua ka ga sone ka tsela ena, “go—go golafatsa,” fela ke se a neng a le sone; o ne a golafatsa, kgotsa a sokamisa. *Sokamisitswe* go raya “go fetolwa gotlhelele, o dirilwe sengwe se se farologaneng.” Mme *golafatsa* ke selo se se tshwanang, gore go nnile ga tlisiwa ka kwano mme ga golafatswa, mme “se dirilwe ka tsela e nngwe.” Fela se santse se sale peo e e tshwanang, fela e golafaditswe.

<sup>71</sup> Jaanong re fitlhela gore mogolafatsi yona gape o nnile le bontsi jwa nako jo bo tshwanang, go golafatsa, jaaka Modimo a nnile le jone go fetola popego. Jaanong o ne a jwala peo ya gagwe, kgotsa, ga a a ka a jwala peo ya gagwe, ena . . . ko tshingwaneng ya Etene. Esale ka nako ele, o nnile le dinyaga di le dikete di le thataro tsa go golafatsa Peo ya Modimo, Lefoko la Modimo; go Le golafatsa, go Le dira sengwe se se farologaneng; motlhlang ena . . . nako ya ntsha e Efa a neng a mo reetsa, mme a iponela fela seelananyana.

<sup>72</sup> Gakologelwang, la ntsha Satane o ne a nopolis Lekwalo lele fela ka fa go itshekileng jaaka go ka kgonega, "Modimo ne a re, 'Lo seka lwa ja ga setlhare sengwe le sengwe mo tshingwaneng ya Etene'?" Lo a bona? "Lo seka lwa ja ga selthare sengwe le sengwe?"

<sup>73</sup> Mme gakologelwang jaanong, Efa ne a re, "Eya, re ka nna ra ja ga setlhare sengwe le sengwe; fela setlhare se se leng mo gare ga tshingwana, ga re a tshwanela go se ama." Jaanong mo lebeng, mo molaetseng wa gagwe, a sokasoka Lefoko leo fela ga nnyennyane. Mo goreng . . . Efa ne a re, "Gonne Modimo o rile, gore, fa re dira sena, letsatsi leo re a 'swa.'"

<sup>74</sup> O ne a re, "Ao, ka tlhomamo lo tlaa se swe." Lo a bona, o ne a le mo—monna, o ne a re, "Wena, dira sena jaanong. Mme, lona, lo mohuta wa batho o o tlhokang kitso. Lona, ruri, ga lo itse dilo tsotlhe. Fela fa fela o tlaa tsaya karolo mo go se, foo o tlaa nna le botlhale, o tlaa nna le kitso. Lo tlaa itse tshiamo go tloga mo phosong mme lo nne jaaka medimo, lona, fa fela o tlaa tsaya karolo mo botlhale jo nna ke nang najo. Ke a itse, fela wena ga o itse."

<sup>75</sup> Mo e leng gore, go siame go nna le botlhale. Fela fa botlhale bo le kganetsanong, fa botlhale bo se botlhale jo bo siameng go tswa go Modimo, botlhale jwa Semodimo, mme bo fetoga go nna botlhale jwa tlholego; ga ke kgathale gore ke bontsi jo bokae jwa maranyane jo re nang najo, le tse dingwe go feta, kgotsa thuto, ke ya ga diabolo. Ke tlaa go rurifaletsa seo, Morena a ratile, mo metsotsong e e mmalwa. Ke ga diabolo.

<sup>76</sup> Tlhabologo ke ya ga diabolo. Ke fetsa go rera ka ga seo. Dingwao tsotlhe mo lefatsheng, dithata tsotlhe tsa maranyane, le sengwe le sengwe, ke tsa ga diabolo. Ke efangedi ya gagwe e a e rerileng, ya kitso, ko tshingwaneng ya Etene. Mme o tsere kitso eo, kitso e e sokamisitsweng, e e kgathlanong le Lefoko le thata le polane ya Modimo. Mme jaanong o nnile le dinyaga di le dikete tse thataro go dira tota tota se Modimo a se dirileng, fela ka tsela e e sokamisitsweng, mme a tsaya nako e e tshwanang go tlisa Etene e e leng ya gagwe. Jaanong o na le Etene fano mo lefatsheng, mme e tletse ka botlhale, kitso. Eo e ne e le efangedi ya gagwe kwa tshimologong, kitso, botlhale, maranyane. Modimo ga a ise a baakanyetse se se jalo. Mme nna—

nna ke batla lona lo lebeng motsotso. O ne a dira sena, mme ka gore o ne a le monna wa botlhale jwa selefatshe.

<sup>77</sup> Jaanong, go bokete go bolela sena. Gone go—gone go bokete thata, ka gore ke bua le batho ba ba ikutlwang ka tsela e e tshwanang le eo ke dirang, le ka tsela e ke nnileng ke le ka yone ka dinyaga di le di ntsi. Fela esale go bulweng ga Dikano Tse Supa tseo, ga Baengele bale fela kwa morago ga thaba ka kwa, Ena e nnile Buka e ntshwa. Ke dilo tse di nnileng di fitlhilwe, di a senolwa jaaka Modimo a soloeditse mo go Tshenolo 10, O tlaa go dira. Mme rona re batho ba ba nang le tshiamelo ba Modimo a ba tlrophileng, mo lefatsheng, gore re ka nna ra bona ra ba ra tlhaloganya dilo tse; tse di seng nnaane nngwe, mogopolo mongwe wa motho a leka go go tlhama. Ke Lefoko la Modimo le bonagaditswe, le rurifaditswe, gore Le nepile. Le rurifaditswe, eseng ke maranyane; fela ke Modimo, gore Le nepile. Modimo, jaaka ke ne ka bolela pele o molaetseng, Modimo ga a batle ope a phutholole Lefoko la Gagwe. Ena ke Mophutholodi o e Leng wa Gagwe. O bolela gore go tlide go diragala, mme go a diragala. Moo ke, Ena—Ena o a go tlhomamisa, seo se a go phutholola.

<sup>78</sup> Dinyaga di le mmalwa tse di fetileng, rona batho ba mapentekoste, motlhlang dikereke tse—tse dingwe di ne di re bolelela gore re ne re “tsenwa,” re “ne ra se kgone, Mowa o o Boitshepo e ne e le sengwe sa bogologolo.” Fela re fitlhela gore tsholofetso ya Modimo e na e le ko go le fa e ka nna mang yo o ratang, mme jaanong re itse se se farologaneng. Lo a bona, mme moo ke fela ga nnyennyane le ga nnyennyane, selo sena se bulegile.

<sup>79</sup> Mme jaanong O soloeditse gore masaitseweng a a neng a fitlhilwe mo go tseo, dipakeng tseo tsotlhe tsa kereke, a tlaa senolwa gone kwa nakong ya bofelo. Mme O re lettelela gore re itse jaanong. Re kwa nakong ya bofelo. Re fano jaanong.

<sup>80</sup> Jaanong, Satane ke mosimolodi wa tlhabologo. Ena ke mosimolodi wa maranyane. Ke mosimolodi wa thuto.

Lo re, “A moo ke nnete?”

<sup>81</sup> Go siame, a re buiseng mo Lefokong la Modimo jaanong, Genesi 4, mme a re boeleng morago mme fela re boneng motsotso. Ke a itse nka tswa ke, fa ke diega thata, Mokaulengwe Carl motlhaope o tlaa mpolelela. [Mongwe a re, “Go siame.”—Mor.] Fela, Genesi, kgaolo ya bo 4, le temana ya bo 16, e tswelela e bolela fano, ko tshimologong, se Modimo neng a se dira gore a tle, a bee phutsho mo monneng le mosadi, le tsotlhe tse ba neng ba tlide go di dira, mme eseng *phutsho* mo go bona, fela a ba bolelela se se neng se tlide go diragala, a bo a hutsha mmu ka ntsha ya Atamo. Mme re fitlhela fano jaanong, gore Efa o ne a tsala para ya mawelana. Mme mongwe wa bona o ne a le wa ga Satane, mme a le mongwe wa bona a le wa Modimo.

Jaanong o re, “Ao, nnyaya! Nnyaya. Jaanong, Mokaulengwe Branham!”

<sup>82</sup> Fela motsotso. O mponele Lekwalo le le lengwe, gongwe le gongwe, le le reng gore Kaine o ne a le ngwana wa ga Atamo. Ke tlaa go supetsa mo Lekwalong mo Le reng, “Kaine o ne a le wa yole yo o bosula,” eseng Atamo.

<sup>83</sup> Jaanong lemoga fa a ne a ithwala fano. Re simolola fa kgaolong ya bo 4, santlha.

*Mme Atamo o ne a itse...mogatse; mme o ne a ithwala, a ba a tsala Kaine; mme a re; ke bone...o ne a re jaanong, ke bone morwa go tswa go MORENA.*

<sup>84</sup> Jaaka go sololetswe, go ne go tshwanetse go nne jalo. Go sa kgathalesege fa e ne e le sepepe kgotsa sengwe le sengwe, go ne go tshwanetse go tswe ko Modimong, lo a bona, ka gonne eo ke peo ya Gagwe, ke molao wa peo ya Gagwe, e tshwanetse e tsale le fa e ka nna peo e e kgotlelesegileng, peo e e sokamisitsweng, kgotsa le fa e ka nna eng e e leng yone. E tshwanetse e tsale, le fa go le jalo. Ke taolo ya Gagwe.

*Mme gape o ne a tsala monnawae Abele.*

<sup>85</sup> Ga a a ka a mo itse gape. Atamo o ne a itse mosadi wa gagwe, mme o ne a tsala Kaine a ba gape a tsala Abele, mawelana. Satane o ne a na le ena mo mosong oo, Atamo mo maitseboeng a motshegare oo.

<sup>86</sup> Lo bona tlhatlharuane e kgolo mo pampiring fano, ke a dumela, ko Tucson jaanong, ya mosadi yole a tsala ngwana wa letegele le ngwana wa lekgowa, ka nako e le nngwe. O robetse le mogatse mo mosong oo, le monna mo tshokologong eo. Mme monna o ne a tlaa tlhokomela, monna wa lekgowa ne a re o tlaa tlhokomela ngwana o e leng wa gagwe, fela monna wa letegele o tlaa tshwanelia a tlhokomele o e leng wa gagwe. Lo a bona? Ke a itse gore, mo go tsadiseng dintša le jalo jalo, ka tlhomamo go tlaa dira, fa go le mo diureng di le mokawana morago. Mona go a se rurifatsa.

<sup>87</sup> Jaanong go supegetsa kwa tlhabologo e tswang gone, jaanong a re buiseng Genesi ka kwano, ka mo kgaolong ya bo 4 ya Genesi gape, mme re boneng kwa kae. Temana ya bo 16.

*Mme Kaine o ne a tloga mo bolengteng jwa Modimo, mme a dula kwa lefatsheng la Note, kwa ntlheng ya botlhabatsatsi jwa Etene.*

*Mme Kaine o ne a itse mosadi wa gagwe; mme a ithwala, a bo a tsala Henoge: mme o ne a aga motsemogolo, a bo a tea leina la motsemogolo, la ga... morwaagwe, Henoge.*

<sup>88</sup> Tlhabologo e na ya simolola. Ngaka Scofield, fano mo Baebeleng ya me ya Scofield, e re, “Tlhabologo ya ntlha.” Lemogang, foo o ne a tsala bomorwa, mme ba ne ba dira matlole

le mmino. Yo o latelang ne a tsala bomorwa, mme o ne a simolola go dira dilo tse dingwe, dikgakgamatso, a aga metsemegolo, le—le go dira didirisiwa tsa kgotlho, le mehuta yotlhe ya dilo. Lo a bona, seo ke se a se dirileng, a nna tlhabologo ya ntlha, e e neng e le ya Ba-Kaine. O dirile selo se se tshwanang go ralala dipaka.

<sup>89</sup> Jaanong a re tleng fano ka temana ya bo 25, mme re lebeng se se neng sa latela.

*Mme Atamo o ne a itse mogatse gape, jaanong, mme o ne a tsala morwa, mme a bitsa leina la gagwe Sethe: Gonno Modimo, ne a rialo, o ile a mpho peo e nngwe mo boemong jwa ga Abele yo Kaine a mmolaileng.*

*Mme Sethe . . . Mme Sethe le ene, le ene o ne a tsalelwaa morwa; mme o ne abitsa leina la gagwe Enose: mme ka nako eo batho ba ne ba simolola go bitsa leina la MORENA (go tswa mo letlhakoreng la Sethe, e seng letlhakoreng la ga Bakaine).*

<sup>90</sup> Lo a bona, motlhalefi yo mogolo yoo yo rona rotlhe re itshwareletseng mo go ene! Bokomonisi ke eng gompieno, modimo wa bona ke eng? Ke ga bothale, boranyane. Re dira eng, ntswa go ntse jalo? Rone re tshela fa kae? Ela tlhoko mafoko ano gompieno.

<sup>91</sup> Jaanong o na le mohuta wa gagwe wa Etene, Satane o a dira jaanong. Mo dinyageng tseno tse dikete tse thataro, ena o ne a bopa (e seng o tlhodile), fela, o golafaditse lefatshe lotlhe la Modimo; dibopiwa tsa gagwe, diphologolo, tsadiso e e tswakantshitsweng, tlhago e e tswakantshitsweng; ditlhare, dimela, motho; le e leng ko bodumeding, Baebele, kereke; go tsamaya a iponetse tshingwana e e feleletseng ya Etene, ya boranyane, sengwe le sengwe se tsamaya ka boranyane. Dikoloi tsa rona, sengwe le sengwe se re nang naso, re ne ra se newa ke maranyane, se motho a se dirileng. Mme ena o na le Etene ya gagwe e kgolo fano; go rurifatsa gore Molaetsa o mo nakong, go rurifatsa gore ga se paka e nngwe ntleng ga Tshenolo 10! Lebang ko tlhagong e e tswakantshitsweng gompieno, go dira mo go botoka, kgotsa, mo go go ntle thata, e seng mo go botoka. Leba bana ba ba nnye gompieno.

<sup>92</sup> Ke ne ka isa morwadiake ko ngakeng ya meno, maabane, mme o ne a re meno a gagwe a a sokamisega. Mokaulengwe golo ko Tucson, Mokaulengwe Norman, ne a na le morwadie yo monnye, mme meno a gagwe a ne a suta ka go se laolege. Mme ngaka ya meno e re mo segautshwaneng, o dumela gore, moo go ka nna mo dinakong tse di tlhang, gore batho ba tlaa tsalwa, ka meno a a golang ka tsela nngwe le nngwe. Ke dijo tse re di jang, dijo tse di tlhodilweng ka go tswakantshwa.

<sup>93</sup> A lo ile lwa buisa Tshobokanyo ya Mmadi, kgwedi e e fetileng, ka ga Billy Grahama, moefangedi yo o tlötlegang? A lo nnile lo mo reetsa? Ke mo rapelela jaanong go feta fa

e sale. Motlhang a neng a buwa le bao ba dikholoro tse di retolotsweng, le jalo jalo, bosigo jwa maloba, a go lolamisetsa ka mo baruting bao. Sengwe se mo diragaletse. Lengwe la malatsi ano, ke solo fela a bone boemo jwa gagwe fa a leng gone, lemogang, jaanong o bitsa a le kwa Sotoma, motsemogolo ole o o sokamisitsweng. Mme jaanong lemogang seno mo go Tshobokanyo ya Mmadi, Billy o ne a nna bokoa thata jang gore ne a sa kgone le go tshwara dikopano tsa gagwe. Mme ba ne ba mmolelela gore o ne a tshwanetse a taboge, a dire itshidilo, le jalo jalo. Jalo o taboga mmaele letsatsi lengwe le lengwe, ke dumela ke one, kgotsa sengwe, go nna le itshidilo.

<sup>94</sup> Motho o bodile. Losika lotlhe loo motho le itshekologile. Sengwe le sengwe se jaaka go ne go ntse ko nakong ya pele ga merwalela ya ga Noa. Go dubegile gotlhelele, go retolotswe, go farologanye mo moleng o o tlhamaletseng o Modimo a go jwetseng mo go one. Boleo, ka maranyane le tsietso, bo sokasokile losika lotlhe loo motho.

<sup>95</sup> A lo ile lwa bala gape fela mo tlase ga kgangnyana ele, kwa e rileng, "Mo metlheng eno, gore basetsanyana le basimanyana ba mo dinyageng tsa bone tsa mo bogareng jwa botsofe, go ya ka popego ya mmele, ba le magareng a bogolo jwa mengwaga e le masome mabedi le masome mabedi le metso e metlhano." Akanyang ka ga gone.

<sup>96</sup> Mo temogong bosigong jwa maloba, ke ne ka bona mosetsanyana bogolo jwa dinyaga di le masome a le mabedi le bobedi, a le mo gotlhelele a sa tlholeng a aparelwa ke kgwedi, ka mmiletsa pepeneneng. Mme seo ke se ngaka ya gagwe e neng e mmoleletse sona.

<sup>97</sup> Lo a bona, ke letso le le weleng, le le maswefetseng, le le tsamaelang kwa diheleng la itshepololo. Ke a itse moo ga go utlwale go le ga maitseo a a ma ntle, fela ke ga Baebele, lo a bona, gore moo ke boammaaruri; mme letso le le re tshelang mo go lone, lesika lena la batho.

<sup>98</sup> Jaanong lemogang gompieno, go dira dikgomo tsa tlhago e e tswakantshtsweng, dimela tsa tlhago e e tswakantshtsweng; mme maranyane a tla gone morago a retologa, boranyane jo bo tshwanang jo bo go dirang, bo re, "Seo ke se se senyang letso lotlhe la batho." Lo e buisa go tshwana le ka foo ke dirang. Sente, gobaneng bone ba sa go khutlise? Ke ka gobo ba ka se kgone go go khutlisa. Lefoko la Modimo le rile go tlaa nna ka tsela eo. Fela fa ba tlaa akanya motsotsa, bone ke didirisiwa, jaaka Jutase Isekariote, ba baya totatota selo se Modimo a rileng se tlaa diragala. E go dira fela totatota mo motheong o e leng wa bone wa maranyane.

<sup>99</sup> Ka patlokitso ya gagwe ya maranyane, ka sekaelo se se tshwanang se a tsieditseng Efa, ene gape o tsieditse kereke, e e leng gore foo Efa o ne a le mohuta wa yone. Jaanong, jaanong

Atamo mohuta foo gape, kgotsa Efa, ke raya seo, wa kereke, lemogang se e se dirileng. Ka go kalakatlegela kitso, ena o relela go kgabaganya mola magareng a tshiamo le phoso, ka go reetsa tshokamiso ya ga Satane, kgotsa kgolafalo, ya Lefoko la Modimo la kwa tshimologong.

<sup>100</sup> Mme jaanong dikereke gompieno di golafetse. Jaanong ga ke buwe ka batho, batho mong ka bonosi. Ke bua ka ga lefatshe la kereke. Lengwe le sokasoketse tseleng e le nngwe, mme lengwe le sokasoketse ko go e nngwe, mme, ka boranyane. Sekaelo se se tshwanang se a se dirileng. Ena o diragaditse setshosa sa gagwe, Satane o dirile, sa ga Jesaya 14:12.

<sup>101</sup> A mpe fela re baleng seo motsotso. Mo Bukeng ya ga Jesaya, a re simololeng kgaolo ya bo 14, temana ya bo 12.

*O wele jang go tswa legodimong, Oho Lusifa, morwa masa! wena o digetswe jang fa fatshe, wena o kileng wa koafatsa merafe!*

Yona ke Jesaya a mmona mo ponong, lo a bona, mo pakeng e e tlaa tlang.

*Gonne wena o rile ka mo pelong ya gago, ke tlaa tlhatlogela ka ko legodimong, ke tlaa goleletsa sedulo sa me sa bogosi kwa godimo ga dinaledi tsa Modimo: ke tlaa nna le nna mo godimo ga thaba ya phuthego, . . . dintlheng ko bokone:*

<sup>102</sup> Maikaelelo a ga Satane, go tloga Etene, e ne e le go itirela ka boene Etene; le go ikgodisetsa kwa godimo, jalo gore dinaledi tsa Modimo di tle di mo obamele, bomorwa ba tle ba mo obamele. Mme gotlhelele o go diragaditse jaanong, mme fa a dirile sena ebile a se tlisitse ka mo kerekeng. Se e leng gore, nka sekä ka tsenelela ka mo dintlheng. Bape ba lona ba ba reetsang ditheipi ba itse ka ga gone. Gore, moo ke totatota oura e re tshelang mo go yone, mme ke Satane yo o go dirileng ka mananeo a dithuto, mo go lebaganeng botoka, *sena* se se botoka, *sele* se se botoka. Mme ba sa itse, nako yotlhe, ba tsena gone ka tlhamallo ka mo losong. Ba foufaditswe, ba etelela pele difofu, baeteledi pele ba ba foufaditsweng ba ditshaba, baeteledipele ba ba foufaditsweng ba maranyane, baeteledipele ba ba foufetseng ba kereke, difofu di eteletse pele ba ba foufaditsweng. Jesu o rile, “Ba tlögeleng ba le esi, bone boobabedi ba tlaa wela ka mo kgatamping.”

<sup>103</sup> Fano lemogang mehuta ya Dietene tse pedi di tshwantshanywa mmogo gaufi thata jang, go tsamaya di batla di tsietsa bone Baitshenkedwi. Matheo 24:24 le rile gore go tlaa nna ka tsela eo. Fela nna ke batla rona re eme metsotso e mmala mme re eleng tlhoko Dietene tse pedi tsena, mme selo se le sengwe bogolo go gaisa, ka foo Baebele e re bolelelang gore Lefoko la Modimo le ne la dira Etene ele, le ka foo Lefoko la Modimo le re tlhagisang gore Etene e nngwe e tlaa tla.

<sup>104</sup> Jaanong, re itse gape gore go tshwanetse go nne le Etene e nngwe, fa gape re tlaa reetsa moporofeti, Paulo, mo go Bathesanonika wa Bobedi kgaolo ya bo 2. Nka E buisa fa lo batla go dira.

Ena yo o ikgodisang; *letsatsi leo le ka sekla tla, la ga Morena, go fitlha motho yoo wa sebe a senolwa, . . .*

. . . ene yo o ntseng ka mo tempeleng ya Modimo, a ikgodisetsa *kwa godimo ga tsotlhe tse go tweng ke Modimo*, jalo gore ene jaaka Modimo a obamelwe jaaka Modimo.

<sup>105</sup> Akanyang ka ga seo! Jaanong Jesaya 14, moporofeti o rile gore o bone “Lusifa, mo pelong ya gagwe,” ka pono ka fa tlase ya ga tlhotlheto ya Modimo, “a re ene o tlaa dira seo.” Mo go Jesaya, dinyaga di le makgolo a a ferang bobedi pele ga Paulo, kgotsa e ka ne e le mo go tseo.

<sup>106</sup> Jaanong fano, dinyaga di le makgolo a a ferang bobedi morago, Paulo o a mmona, a tla mo boemong jwa gagwe. Lemogang, e nna tlhogo ya, Etene ya gagwe; Etene ya gagwe ya boranyane, ka lefatshe la gagwe la boranyane, ka monyadwikerke wa boranyane, tsotlhe fa tlase ga le-lefoko la “kitso,” dikolo tse dikgolo tsa boperesita, digarata tse dikgolo, mananeo a dithuto.

<sup>107</sup> Reetsa, mokaulengwe, kgaitsadi, mongwe le mongwe wa rona o ile go tsamaya mmila oo o Florence a o tsamaileng. Ke kopa wena, mo Leineng la Jesu, go ela Sena tlhoko. Eseng go ela nna tlhoko. Nna ke mokaulengwe wa gago. Seo, seo ga se gone. Ela tlhoko Lefoko le ke le bolelang, la Baebele ya Modimo. Mme lo lebeleleng fa gare, go rurifaditswe ka boitekanelo ka mo Lefokong le e Leng la Modimo, mo pakeng e re tshelang mo go yone, kwa re leng teng.

<sup>108</sup> Mananeo ano gotlhelele ke moganetsa-Keresete, mo bojoneng. Jaanong, o tshwanetse a nne le Etene, o rile o tlaa go dira. Fano ke Lefoko le le mothofo la Modimo le re o tlaa go dira, mme fano re leba gone mo pepeneneng mme re mmona a go dira. O go dirile ka monyadwi wa gagwe wa botlhale, wa maranyane, wa lekoko. O ile go tsaya botlhogo, lengwe la malatasi ano, mo Lekgotleng la Lefatshe la Dikereke le le tlaa tlhomiwang. Botlhe ba tlaa nna le ene. A leka . . .

<sup>109</sup> Batho, eseng ka gore ke batho ba ba bosula; ba ne ba jwetswe mo moleng ole o o tlhamaletseng, jaaka korong, fela Satane ne a jwala metantanyane, e go tweng boranyane, patlokits, thuto, digarata tsa bongaka. Ka dinako dingwe ba ka sekla le e leng go go letlelela ka mo felong ga therelo ntleng le gore o kgone go ntsha garata ya bongaka go tswa sekolong sengwe sa boperesita golo gongwe. Gotlhe go phoso! Eseng batho; ke lenaneo le le leng phoso. Mme jaanong ke eng se lone lo se dirileng? Gone gotlhe go eteletswe pele gape, mme go tlisitse lefatshe lotlhe

le le feleletseng (ka segopa sa tlhago e e tswakantshitsweng, tshokamiso ya Peo ya Modimo ya kwa tshimologong) go ya kwa tlhakatlhakanong e nngwe e e ntshofaditsweng.

<sup>110</sup> Fela nna ke itumetse thata jang gore Modimo o a re gopola gape, gore Ena o santse a kgona go tsamaya mo godimo ga sefatlhego sa seemo. O soloeditse gore O tlaa go dira, mme a bitse letsomane le le nnye le le tlaa nnang Monyadwi wa Gagwe.

<sup>111</sup> Lemogang fano gape jaanong, ka boitekanelo ka foo dikereke tsena di tshwantshang, kgotsa Dietene tsena.

<sup>112</sup> Modimo, ka Peo ya Lefoko la Gagwe! Mme go fela selo se le sengwe se se ka rудисанг Lefoko, mme seo ke Mowa, gonne One ke Monei wa Botshelo ko Lefokong. Mme motlheng Botshelo ka mo Lefokong bo kopanang le Botshelo jwa Mowa, Bo ntsha le fa e ka nna eng se Peo e leng sone.

<sup>113</sup> Jaanong lemogang se se neng sa diragala. Ko tshingwaneng ya Etene go ne go le itsholelo ya Modimo ya botlhoka molato, mme eo e ne e le nngwe ya diteba—ditebalebelo. Tebalebelo ya ntlha e ne e tlhoka molato, batho ba ne ba sa itse boleo bope. Ba ne ba sa itse sepe ka ga boleo. Atamo le Efa boobabedi ba ne ba sa ikatega, fela ba ne ba subilwe mo go se ikategeng ga bona, ka sesiro sa mowa mo godimo ga sefatlhego sa bona. Ba ne ba ise ba ke ba itse gore ba ne ba sa ikatega, gotlhelele, ka gonne ba ne ba sirilwe. Gonne, sesiro sa Modimo ka mo ditlhologanyong tse e leng tsa bona, ba ne ba sa itse se tshiamo le phoso di neng di le sone. Mme bone boobabedi ba eme foo ba sa ikatega, go ne go supetsa gore kitso e ne e ise e ke e tle ko go bona, lo a bona, gore ba ne ba sa ikatega. Bobedi bo ne bo sa ikatega mme bo ne bo sa go itse.

<sup>114</sup> Jaanong fa lo tlaa bula, fa lo rata go dira, kgotsa lo le kwaleng fatshe, ko go Tshenolo, kgaolo ya bo 3. Mowa o o Boitshepo o bolelelapelle paka eno ya bofelo, ko Pakeng ya Kereke ya Pentekoste ya Laodikea ko metlheng ya bofelo, O ne a re, “Wena ga o a ikatega, ebile o foufetase, mme ga o go itse.”

<sup>115</sup> Peo ya Modimo ke eo, fa tlase ga botlhoka molato, ba sa itse gotlhelele gore ga ba ikatega, ka fa tlase ga sesiro sa Mowa o o Boitshepo, se ba sirtse mo boleong.

<sup>116</sup> Mme jaanong mo pakeng ya kereke ya bofelo, re fitlhela fano gore bone ga ba a ikatega gape, mme ga ba go itse. Fela ga se sesiro sa Mowa o o Boitshepo. Ke sesiro se Satane a se khurumeditseg mo godimo ga Efa kwa morago kole, sesiro sa boiphetlho, lesire la boiphetlho. Bone ba leswe thata jang go tsamaya ba sa itse gore bone ga ba a ikatega, basadi ba rona mo mebileng, ba apere bomankopa, mesese e e tlhotlheletsang thobalano.

<sup>117</sup> Mongwe o ne a nthomella setoki se neng se le mo pampiring maloba, sa mosese ona o montšhwa o bone ba ileng go o apara, ke a akanya, o ka nna diintšhi di le lesome le boné go tloga mo

dinokeng, kgotsa sengwe. Mme ke a ipotsa fa e le gore batho ba rona—ba rona ba basadi ba lemoga gore moo ke sesiro sa boiphethlo?

<sup>118</sup> Jaanong wena—wena o tlala re, “Nka rurifatsa, fa pele ga Modimo, gore nna ke tlhoka molato wa boaka bope ko monneng wa me, kgotsa nna—nna... tsotlhе tsena.”

<sup>119</sup> Fela le fa go ntse jalo, kwa Katholong, o ile go bidiwa “moakafadi wa mosadi.” Baebele e rile jalo. Jesu ne a re, “Le fa e ka nna mang yo o lebang mosadi go iphetlhela yena, o setse a dirile boaka le ene ka mo pelong ya gagwe.”

<sup>120</sup> “Ba foufetse, ba sa ikatega, mme ga ba go itse!” Eseng bone basadinyana ba ba humanegileng ko ntle koo; ga go sepe se ke nang le sone kgatlanong le bona. Ke bosula jole! Mme tsamaiso ya kereke ekete e retelelwa ke go bo lemoga kgotsa go ema kgatlanong le jone; e ba lettelela ba pome meriri ya bona, ba tshase dipente tsa difatlhego, mme ba apare bomankopa le dilo, fa tlase ga leina la Bokeresete. A selo se se boitshegang se e leng sone! Lo a bona, bona ga ba a ikatega gape, mo Eteneng ya ga Satane, mme ga ba go itse. Ga ba go itse.

<sup>121</sup> Ke a dumela ke bona, motlhaope, ke lebeletse go kgabaganya fano, lekadiba la go thuma, basadi bao golo koo jaanong. Fa mosadi oo fela a ka lemoga se a se dirang, fela ga a se itse. Ena ga a ikatega. Mmele wa gagwe o boitshepo. O tsola diaparo tse Modimo a mo apesitseng ka tsone, ka letlalo, ka ntlha ya kokomana ena. Ena kgapetsakgapetsa o se kgaoela kgakala. Ga a ikatega, fa tlase ga lefoko la “tlhabolologo, dithuto tse di kwa godimo thata, tlhabolologo e e botoka, melao ya maitsholo e e kwa godimo thata.” A mpe nna ke tlhomamiseng gore sena se tsenelela teng. Gone gotlhe ke ga diabolo, mme go tlide go senngwa kwa go Tleng ga Morena Jesu. Go tlide go senngwa, setoki sengwe le sengwe sa yone. Go ka sekа ga nna le selo se le sengwe se se setseng.

<sup>122</sup> Mme, ao, tsala, go ralala setshaba, jaaka lo nttheeditse fano mo Phoenix, akanyang ka ga dilo tseo! Lo fano ka fa tlase ga puso ya tsone. Jaanong, Jesu ne a re gore, “Di tlala tsietsa Baitshenkedwi fa go kgonagala.”

<sup>123</sup> Mowa wa ntlha e na e le se... sesiro sa ntlha e ne e le sesiro se se boitshepo, Mowa o o Boitshepo, mme o ne a sa tshwanela go lebelela kwa ntle ga One. Fela erile—erile Satane a simolola go bua le ene ka kitso, ene fela o ne a tshwanela go tlhodumelanyana kwa lefatsheng.

<sup>124</sup> Mme seo ke totatota se morwadie, kereke, a se dirileng. Lo tshwanetse lo bone, lo tshwanetse lo apareng jaaka tshimega nngwe ya ditshwantsho tsa motshikinyego, kgotsa makau a tshwanetse a itshole jaaka Elvis Presley kgotsa—kgotsa Pat Boone, kgotsa—kgotsa bangwe ba batho bao, fa tlase ga leina la bodumedi.

<sup>125</sup> Pat Boone ke wa Kereke ya ga Keresete. Elvis Presley ke Mopentekoste. Baanelwa ba le babedi ba ba tsenweng ke medemone ba ba latlhetseng lefatshe mo tlhakatlhakanong e e fetang go na le e Jutase Isekariote a e dirileng ko go okeng ga Jesu Keresete. Bona ga ba go itse. Bona basimane bao ga ba itse seo. Ga go sepe se ke nang naso kgatlhanong le bao—basimane bao, banna, ke mowa o o rotloetsang seo.

<sup>126</sup> Gatela fela ka kwa ntlheng ele ga nnye, letla motantanyane ole fela o nne le tlamparelo e nnye go dikologa lekape la korong eo, nako e le nngwe, lebelela se se diragalang; korong e ile. Ao, eya, e feditse e e fitlhetsi. Mme eo ke tsela e e tlaa go dirang. E tlaa go dira nako nngwe le nngwe. Efa o ne a tshwanelo go tsaya fela tlhodumelo e le nngwe kwa lefatsheng.

<sup>127</sup> Mme nte ke boleleng sengwe ko go lona, mokaulengwe le kgaitadi. Mo go Johane wa Ntlha, kgaolo ya bo 2 le temana ya bo 15, re ka E bala fa lo eletsa go dira, Baebele ya re:

... *Fa re rata lefatshe*, kgotsa dilo tsa lefatshe, ke ka gonne *lerato* la Modimo *ga le* e leng le *mo go rona*.

<sup>128</sup> Jaanong, lefoko moo ga se *lefatshe*; ke lefoko la Segerika, ke *khosemose*, le le kayang “tsamaiso ya lefatshe.” Fa re rata mekgabo ya lefatshe, lefatshe, fa re rata kganelo ya letsatsi, fa re akanya “ena ke nako e e gakgamatsang, ao, re na le dilo tsena tsotlh,” fa lo akanya seo, ke ka gonne kakanyo ya lona e phoso. E sokamisitswe ke diabolo. “Gonne fa lo rata tsamaiso ya lefatshe, le dilo tsa lefatshe lena la jaana, ke ka gonne lerato la Modimo ga le le e leng ka mo go lona.” Gakologelwang seo. Oho Modimo! Leba se re lebeletseng ka mo go sone!

<sup>129</sup> Fano ke batla go ema fela motsotso ke bo ke lo bolelela polelwana. Ke ne ka utlwa moruti wa kwa Ntweng ya Ntlha ya Lefatshe. Ba ne ba kolopetse...

<sup>130</sup> Jaaka Satane kwa tshimologong, motlhlang a ne a tla ka ko tshingwaneng ya Etene. Ga a a ka a kgona go epolola Dipeo tseo. Ga a a ka a kgona go di senya. Fela o ne a di kgatsha ka bothhole, mme bo ne ba golafatsa Peo, ga e ya ka ya tsala mohuta wa yona o o nepagetseng. Bo ne jwaa golafatsa Peo ya kwa tshimologong.

<sup>131</sup> Mme seo ke mananeo otlhe ano a bodumedi. Bone ba santse ba le bomorwa le bomorwadia Modimo, fela a a golafadiwa. Ba ya kerekeng, ba batla go dira mo go nepagetseng. Moitlamai wa mosadi ko kerekeng ga a tsene kwa lefelong la baitlamai ba basadi go nna mosadi yo o pelotshetlha. Moruti ga a ke a ya kwa sekolong gore fela a nne monna yo o bo—bo—bosula. Ga o ke o ipataganya le kereke, mme wa dumedisa diatla, wa baya leina la gago mo bukeng, kgotsa le fa e ka nna eng se o se dirang ko kerekeng ya gago, go nna motho yo o bosula. O dira seo go nna motho yo o molemo. Fela ke boferefere, ke go golafadiwa mo go go dirang. Satane o e kgatshitse. Lo a bona? Modimo ga a ise a

nne le thulaganyo. Ga go selo se se jaaka seo golo gongwe fa se fitlhelwang mo Mafokong a Modimo.

<sup>132</sup> Modimo ke thulaganyo ya rona, re rulagantswe ka mo go Ena, Mmele, mo Modimong, ko Legodimong. Go jalo. Maina a rona a mo Bukeng ya Kwana ya Botshelo. Lemogang.

<sup>133</sup> Fela, lo a bona, ke a itse go bokete thata, fela nna—ke batla lona lo itshoke ga nnye lobakanyana fela fa lo rata. Ka nako ya tlhabano ya lefatshe... Intshwareleng go ya kgakala le serutwa sa me.

<sup>134</sup> Fela go dira ntlha ena, nna—ke ne ke batla go lo naya kanoko ya se Satane a neng a se dira ko Etene: ne a gasa botlhole jo bo kgatshiwang jo bo boitshegang. A lo tlaa rata go itse se seeledi se se gasiwang seo e neng e le sone? Nka lo bolelela. Ke na le sebopi sa sona, mafoko a le mabedi: tumologo, mo go leng tshwanologong le tumelo, tumologo e e kgatshitsweng, pelaelo. Mme boranyane bo ne jwa tlatsa lefelo lwa gone. Kwa leroba le leng gone, eo e ne ya tsena ka mo Peong, Satane o ne a tlatsa leroba leo ka kitso le boranyane le tlhabologo, mme yone e golafaditse lebopo lothe, le le feleletseng la Modimo.

<sup>135</sup> Ke a itse lo akanya gore ke lo baya mo kaleng, fela nna ke mo kaleng le lona. Mme re rotlhe fano go leka go bona se re ka kgonang go se dira. Ga re bolele dilo tseo go farologana. Re tshwanetse re tshepege.

<sup>136</sup> Rona, mongwe le mongwe, re tla kwa bokhutlong jwa tsela, kwa re ileng go naya pego ka ntlha ya lefoko lengwe le lengwe. Gone jaanong, re a itse gore mantswa a rona... Motlheng re tsalwang, selelo sa rona sa ntlha se se nnye seja sotlhe mo theiping. Se ile go tshamekelwa kwa morago gape ko Letsatsing la Katlholo. Le e leng diaparo tse o di aparang di tlide go bontshwa mo sefatlhegong sa gago, kwa Letsatsing la Katlholo. Le e leng boranyane bo fitlhetsi seo, ka thelebišine. Lo a bona, thelebišine ga e bope setshwantsho, e se fetisa fela. Mmala wa diaparo, nako nngwe le nngwe fa o tsamaya, kakanyo nngwe le nngwe e e leng ka mo monaganong wa gago, gotlhelele e tsholwa ka mo rekhotent ya Modimo. Mme selo se segolo seo se tlide go bewa gone fa pele ga gago, nngwe le nngwe ya yone mesese e e makgapha e neng wa e apara; nako nngwe le nngwe e o neng wa ya wa kwa lebentleleng la mmeodi, o poma moriri oo o Modimo neng a go o naya. Go ile go diragala. O tlaa go arabela. O ka se kgone go dira kgato gone koo, le e leng fela dikakanyo tsa pelo ya gago fa o di dira, di tlaa tshamekwa gone fa pele ga gago. O ile go falola jang? “Re tla falola jang fa re tlhokomologa pholoso e ntle thata jaana?” Lo a bona? Ga re yo go falola. Kgato nngwe le nngwe, le dikakanyo tsa pelo, di gatiswa gone ko sebakeng se sengwe, le e leng mmala wa diaparo tse o di aparang. Thelebišine, thelebišine ya mmala e go rurifaletsa gone mo pepeneneng, e a go goga e bo e go supegetsa, lo a bona, mme moo ke fela mo

sebakeng se le sengwe mo go tse tharo tse re tshelang mo go tsone. Lo a bona?

<sup>137</sup> Jaanong ka foo botlhole bo iteileng kereke ka teng, bo iteileng lefatshe ka teng! Botlhole jwa ga Satane mo Dipeong, bo tsentse maroba mo go yone mme jwa dira gore yone e golafale. Go feta le go feta, o tebelela go feta ka mo dipelong tsa dikereke, le ka mo dipelong tsa batho le sengwe le sengwe, maranyane, maranyane. Go fitla e nna lefelo kwa letso la batho, ka go tsalantshwa... Ke dumela gore peo nngwe le nngwe e tshwanetse e tsale ga mohuta wa yone. Mme letso la batho, le semela, le tsotlhe tse di tsalantshiwang, go re tlisitse kwa lefelong; mo go jeng dijo tsa rona tse di tswang mo mmung, se e leng gore, mebele ya rona, e dirile tlhago e e tswakantshitsweng, go beile menagano e e feleletseng ya rona... Jaanong, fa mebele ya rona e wa, go tloga mo bogolong jwa masome a le mabedi go ya go masome a le mabedi le botlhano, ka ntlha ya disele tse di maswefetseng, ka lebaka la dijo tsa tlhago e e tswakantshitsweng, a disele tsa boboko jwa rona ga di maswefale? A tseo ga se disele, le tsone? Ke lebaka leo Ricky a tabogang fa gare ga mmila fano, ka koloi ya gagwe e e lobelo le legolo; fa Ricketta, bo Elvitta, le ba le bantsi ba bona, jaaka re tlaa bitsa leina, fa ntle fano ba sa ikatega karolwana fa pele ga batho, ba tlogile mo tlhaloganyong, go sa tlhole go na le kakanyo ya bori kgotsa maitsholo a a siameng.

<sup>138</sup> Ko polelwaneng ya me. Moruti yona ne a re o ne a le golo kwa septelele, mme ne a re ke basimane ba le bantsi thata jang ba ba neng ba letse ko tenteng, bangwe... O ne fela a fetsa go tla go tswa kwa ntle. O ne a re o ne a ya golo koo, mme leotlana lengwe le ne la mmolelala, ne la re, "Moruti, re batla go pagamela kwa ntle, go lebelela mafelo kwa ntle kwa." Ba ne ba latlhets'e gase ena ya mmasetete le tlelorine, jaaka ba ne ba dira mo malatsing ao.

<sup>139</sup> Mme ne a re, "Ke ne ka ya golo koo, Mokaulengwe Branham," ne a re, "go ne go se lekwati mo setlhareng, go ne go se kalanyana ya bojang. Go ne go le mo mosong wa Paseka." O ne a re, "Go ne go le dithenkê tsa kgale tse di thubaganeng golo koo, leotlana le ne le tshwanetse go nna le bosupi jwa tsone, mme a bone fa e le gore go ne go na le sengwe se se neng se ka di direlwa, gaufi le Sekgwa se segolo sa Argonne." Ne a re, "Fa ke ne ke sa eme foo ka bona," ne a re, "Ke ne ka lebelela kwa godimo, ka re, 'Oho Modimo, ena ke tsela e gotlhe go tl Lang kwa go yone.'" Go jalo, tsotlhe di a tla. Gotlhe go ne go fisitswe, go se botshelo bope gope gotlhelele, bojang bo sele gore bo tloge; setlhare, ka lebaka la digase tsele, ditlhare di bolailwe, sengwe le sengwe se ne se bolailwe, di sokasokame, di lepelela, kwa marumo le dilo di di kgautlileng.

<sup>140</sup> Fa seo e se setshwantsho sa lefatshe gompieno, kwa Satane a gasang tumologo ya gagwe, tlhago e e tswakantshitsweng ya

gagwe, boranyane jwa gagwe, kitso ya gagwe! Go fitlhela, se e neng e le sone kwa tshimologong, motlheng Modimo a neng a baya Atamo le Efa ko tshimong, parateise e ntle ele e neng e sena loso, e sena bolwetse, e sena matlhotlhapelo, mme sengwe le sengwe se itekanetse mo tolamong, lebang se DDT ya ga Satane e se dirileng! Yona ke tlhakatlhakano. Ga go sepe se se saletseng mo go yone.

<sup>141</sup> O ne a re, “Ke ne ka simolola go lela. Ke ne ka tsamaya ka boa, ke ne ka ngokelwa ko lentswêng.” Ne a re, “Ke ne fela ka ya golo koo mme ka leba lentswê, ka le fetola. Faatshe ka fa tlase ga lentswê go ne go le leloba le le sweu le le nnye le gola, selo se le sengwe se se neng se tshela, ka gonnie le ne le sireleditswe ke lentswê.”

<sup>142</sup> Modimo, Lentswê la me, re sireletse gompieno, Oho Modimo, fa botlhole jona bo fofa golo gongwe le gongwe mo leineng la maranyane le thuto. Re sireletse. Ntshegetse go fitlha letsatsi leo, Oho Modimo, ke thapelo ya me. [Mongwe mo seraleng o re, “O se bee tekanyetso epe ya nako, Mokaulengwe Branham.”—Mor.] Jaanong ke tshepa gore rona, mongwe le mongwe, re ka fa tlase ga Lentswê lele, Keresete.

<sup>143</sup> Ke fetsa go rera maloba, ba le bantsi ba lona le e utlwile. Ke ne ke fologa ka mo dikgweng, ke tsoma, mme ke ne ka ngokega go retologa. Mme ke ne ka leba, mme fale go ne go letse lebokisi kgotsa mophuthelo o o loloe wa sekarete, kgotsa se lo o se bitsang sone. Mme kompone ya sone, ga ke ikutlw Goreng ke tshwanetse ke bitse leina la bona, fela kompone ya motsoko e ne e na le, ba ne ba na le mafoko a ipapatso, “Sefo ya motho yo o akanyang, tatso ya motho yo o gogang.”

<sup>144</sup> Ka simolola go tswelela ke fologela kgaka—kgakajana ga nnye ka ko sekgweng, mme Sengwe se ne sa nngoka, “Boela morago ko sephuthelwaneng sele sa sekarete.”

<sup>145</sup> Ke ne ka akanya, “Rara wa Legodimo, ke ya kwa tlase fano ko setlhareng sele kwa megwele ele e neng ya bolelwa go nna teng mo botshelong ke Wena, mosong mongwe. Goreng O tlaa mpiletsha kwa morago?”

<sup>146</sup> Mme Sengwe se ne sa re, “O na le theron e e tlang ka Letsatsi la Tshipi. Temana ya gago e kwadilwe mo go yone.”

Ke ne ka akanya, “Mo sephuthelwaneng sa sekarete?” Ke ne ka boela morago.

<sup>147</sup> Mme ke ne ka simolola go akanya, “Sefo ya motho yo o akanyang,” a tsietso e seo e leng sone! Fa motho a ne a le motho yo o akanyang, o ne a ka seka a goga gotlhelele. Fela, lo a bona, batho ba kodumetsa seo.

<sup>148</sup> Ke dumela e ne e le dinyaga di le pedi tse di fetileng, fa ke ne ke le kwa go e nngwe ya diphuthego, ke ne ka ya golo kwa ditshupegetsong tsa lefatshe motlheng di neng di le kwa

Lotshitshing lwa Bophirima. Mme ba ne ba na le setshwantsho sa ga Yul Brynner le ba le bantsi ba bone koo. Mme boramaranyane, ba le bantsi, ba ne ba le ka mo ntlolehalahaleng lone leo, ka ga kotsi ya go goga. Ka foo ba gogang mosi ole go kgabaganya mmabole, ba bo ba tsaya ntlha e nnye ya Q ba bo ba tsaya tshefi ya motsoko go tloga moo mme ba e baya mo mokwatleng wa peba, mme ba e tsenya ka mo serubing, mo malatsing a a supang e ne e tletse ka kankere thata jang e ne e sa kgone le e leng go tsamaya. Lo a bona? O ne a re...Ne a e goga go kgabaganya metsi.

Ne a re, “Sefo!”

<sup>149</sup> Ne a re, “Sefo? Ga go selo se se jaaka seo.” Ne a re, “Wena...” Jaanong, mona ke maranyane ka bobone. Ba ne ba re, “O ka sekwa nna le mosi ntleng le gore o nne le sekontiri. Sekontiri se dira mosi.”

<sup>150</sup> Mme selo se le esi se e leng sone, ke sedirisiwa sa go tsietsa, go rekisa disekarete tse dintsi. Motlhlang seo, fa nna... Ga ke tshepe gore lo akanya gore nna ke a tlhapatsa kgotsa ke segogotlo. Diabolo yoo mo mothong, yo o mo dirang gore a goge, gore a ipolae. Fa ena—ena a batla bokgakga jwa sekarete se le sengwe, joo bo tla otla keletso ya gagwe, jaanong kompone e tla gautshwanyane ka sedirisiwa sena sa go tsietsa, mme e re, “Sefo ya motho yo o akanyang.” O tlaa tshwanela go goga disekarete di le nnê kgotsa di le tlhano, go dira bokgakga jo bo kalo ka mo go wena (go mo thethebatса) jaaka o dirile ka se le sengwe. Maamerika ba rekisetsa bakaulengwe le bokgaitsadie loso! Ga ke go tlhaloganye.

<sup>151</sup> Fela ntswa go ntse jalo teng ka foo, ke ne ka akanya, “Go na le Sefo ya motho yo o akanyang e e nepagatseng.”

<sup>152</sup> Jaanong fa motho a ne a goga, gakologelwang, go dira tatso ya motho yo o gogang. Ka lebaka leo, fa o ka se kgone go nna le...kgotsofatsa keletso ya go goga go tsamaya o nna le mosi moo ebole o nna le...go tshwanetse go dire tatso. Jalo o goga disekarete di le nnê, kgotsa di le tlhano, o bo o go dueleta go feta go na le ka fo o neng o tlaa dira fa fela o ne a o gogile sekarete se le sengwe se se tlwaelegileng. Lo a bona, ke sedirisiwa sa go tsietsa, sedirisiwa sa go tsietsa sa go rekisa; se tsietsa batho, Maamerika. Fa ke akanya ka ga Mokgatsha wa Forge, George Washington; ka karolo ya bobedi mo borarong ya masole a gagwe, mme ba sena ditlhako dipe mo dinaong tsa bona, mo letsatsing lele le le tsididi, go re dira itsholelo e re leng yona! Mme morago Maamerika a rekisa Moamerika, mokaulengwe wa gagwe le kgaitsadie, loso, mo tlase ga sediriswiwa sa maaka sa go tsietsa, ka ntlha ya khumo e mpe, modi wa bosula jotlhe. Keletso e kgolo ya tšelete, lorato. Selo sotlhe se fa se tsenwang, go sa itsiwe gore selo sotlhe sena se ile go nyelela! Fela fa o sa amogelege mosi ope, o ka sekwa nna le tatso.

<sup>153</sup> Foo ke ne ka akanya, “Sefo ya motho yo o akanyang ke eo.” Sefo ya motho yo o akanyang! Mme ke ne ka tsaya temana ya me go tswa mo go “Sefo ya motho yo o akanyang e dira tatso ya motho yo o boitshepo.”

<sup>154</sup> Jalo ke ne ka akanya gore makoko a rona a dirile mo gontsi thata jaaka moo, ba amogela batho mme ba ipitse Bakeresete ba ba leng fela tsela nngwe le nngwe. Gobaneng? Ba amogela go feta mo makokong a bona kgotsa dithulaganyo. Re amogela mo go fetang teng koo ka gore re ba letlelala ba tsene fa tlase ga *sena, sele*, le se *sengwe*, le sengwe le sengwe. “Moo ga go dire pharologanyo epe, fela gore ba beye leina la bone mo bukeng ba bo ba re ke Bakeresete. Ke gotlhe. Ao, ‘ka tumelo lo pholositswe.’ Lo tshwanetse lo dumeleng.” Diabolo o dira selo se se tshwanang. Eya.

<sup>155</sup> O tshwanetse tsalwe gape, mme moo go tla ka Sefo ya Modimo! Jaanong moo ke Sefo ya motho yo o akanyang. Ke E tshotse ka mo seatleng sa me. E ka seka ya dira tatso ya selekoko, fela ka tlhomamo E tlaa kgotsofatsa tatso ya motho yo o boitshepo, lo a itse.

<sup>156</sup> Mosadi wa moriri o o pomilweng a ka ba a feta jang fa gare ga Sefo ena? Mosadi yo o apereng bomankopa a ka ba a feta jang fa gare ga Yone, kgotsa marokgwe, fa Baebele e re, “Ke makgapha ko go Modimo, gore mosadi a apare seaparo se se ka bong se tshwanetse monna”? Mme monna yo o akanyang sengwe ka ga ene, a ka kgona jang go tswela ntle fano mme a apare jaaka mosadi, a letle moriri wa gagwe o gole jaaka mosadi, go ya tlase mo matlhong a gagwe, ka meriri e e lepelelang fa phatleng, ebile e tshopegetse kwa godimo jaaka *moo*? Ena o apere diaparo tsa ka fa tengteng tsa mosadi wa gagwe. Mosadi ena o apere diaparo tsa monna tsa ka fa ntle. Sefo ya motho yo o akanyang? Motho yo o akanyang a ka seka a dira seo, kgotsa mosadi yo o akanyang a ka se dire seo. Lefoko la Modimo ga le tle go e letlelala e fete fa gare.

<sup>157</sup> Ga go selo se le sengwe se se tlaa fetang fa gare ga Lefoko leo. Lone ke Mowa o o Boitshepo, mme Lone le tlisa Lefoko ka mo go wena, mme Le ntsha tatso ya motho yo o boitshepo.

<sup>158</sup> Lebang gompieno, Ricketta a le mo mmileng, a ratega, popego ya mmele e ntle e Modimo a e mo neileng, fela Satane a e dirisa. Mme ena o tlaa apara mo go senang maitsholo a a siameng thata, a sa itse gore beke go tloga gompieno a ka bo a bola ka mo lebitleng.

<sup>159</sup> Ke fologa ka mmila fano e se bogologolo. Ke ne ke rera kwa bophuthegelong ko Asembling ya Modimo ka kwa ko Lotshitshing la Bophirima, ko kopanong golo kwa Sekolong sa Baebele sa kwa Borwa bophirima. Mohumagadi yo mo nnye a fologa ka tsela, yo mo nnye... a apere tsone diaparo tse di nnye tseo, dibikini, le fa e ka nna eng se lo di bitsang sone, mekgabisa ya ditlhale e lepelelala fa ntle, a rwele hutshe ya

badisa dikgomo le dibutsi. Ke ne ke ya godimo fa tseleng. Ke ne ka akanya, "Mogomanyana yo o tlhomolang pelo, ngwana wa mma le ntate mongwe, ne a bewa fano go nna morwadia Modimo, fela o fetogile go nna phephiso ya selaga sa ga diabolo." Ke ne ka akanya, "Ke a dumela ke tlaa retologa fela mme ke boele morago, mme ke bolelele ngwananyana yole." O ne a lebega a ka nna dingwaga tsa Sara wa me mole, dinyaga di le lesome le bosupa, bogolo jwa dinyaga di le lesome le borataro, kgotsa sengwe. Ke ne ka akanya, "Nnyaya, go botoka ke sekaka dira. Ke tlaa ya fela fano kwa godimo fa tseleng ke bo ke mo rapelela. Fa mongwe a mpone ke ema mme ke bolela le ena, go botoka ke se go dire."

<sup>160</sup> Jaanong, mme reetsang, bomorwa Modimo, lo fitlha mo lefelong le le tshwanang leo, bo Jesebele bano ba motlha ba lo raisa, fela motho yo o akanyang o tlaa akanya pele. A ka bo a le mo ntle thata jang, a ka tswa a le "Nka kgona go atlega le ena," fela e tlaa go batla ditshenyegelo tsa mowa wa gago wa botho, mosimane; bangwe ba lona basetsana, ko go bo Ricky bano! Sefo ya motho yo o akanyang e ntsha tatso ya motho yo o boitshepo.

<sup>161</sup> Lona banna ba ba nyetseng, fa lo bona bone basadi mo tseleng jalo, lona bomorwa Modimo, a ga lo lemoje se se diragetseng kwa tshimolong ya ntlha? Fa maranyane a dirile basadi bantle thata jaana ko lefatsheng la pele ga morwalela wa ga Noa, go tsamaya bomorwa Modimo ba tsaya bomorwadia batho (eseng bomorwadia Modimo), mme Modimo ga a ise a go lebale. Ba ne ba senya selo sotlhe; maranyane, bontle go feta. Go nnile go tlwaetswe go ntse... Lo lemoga bontle jwa basadi bo tlhatloga mo metheng ya bofelo, ke sesupo sa bofelo; Modimo o go rurifaditse. Jalo, dirisa Sefo ya motho yo o akanyang, o tlaa nna le tatso ya motho yo o boitshepo. E tlaa go batla ditshenyegelo tsa legae la gago. E tlaa go batla ditshenyegelo tsa boemo jwa gago. E tlaa go batla ditshenyegelo tsa sengwe le sengwe se o nang le sone; ntleng ga moo, mowa wa gago wa botho! E tlaa thuba legae la gago. E ka nna ya dira monna yo mongwe a godise bana ba gago, kgotsa mosadi yo mongwe a godise bana ba gago.

<sup>162</sup> Tsaya Sefo ya motho yo o akanyang, e tlaa ntsha tatso ya mosadi yo o akanyang. Motlheng o simololelang ko lebentleleng la mmeodi, kgotsa sengwe se sele, mme ba go bolelela, "O ile go nna le botlhoko jwa tlhogoo, o a itse." Tsaya Sefo ya mosadi yo o akanyang, se Baebele e se boletseng, lo a bona, ka nako eo o retologe kgakala le gone. Lo a bona? O seka wa go dira.

<sup>163</sup> Ke nna mokaulengwe wa gago, mme ke a go rata. Ga go sepe se ke nang naso kgatlhanong nao. Modimo o a itse. Mme seo ke se se dirang ke bolele dilo tsena tse ke di dirang, ke ka ntlha ya—ya lerato la Modimo ka ntlha ya gago. Fa motho a tlaa ya golo koo mme ba sa tle go go bolelela, modisa wa gago a go letla o nne gaufi o bo o itshola jalo, ga a go rate. A ka seka a go rata. Nka seka ka batlela basadi mohuta o o jalo wa lerato. Ke batla go nna

le tatso e e boitshepo ka ntlha ya kgaitsadiake. Ke batla ena ka nnete a nne kgaitsadiake. Eseng mongwe o a ka reng, mongwe a bolele ka ga ena ka fa a leng montle ka teng le ka foo a leng ka teng, le dikhumagadi tseo tsa thobalano, “Ena o ya kwa go ya me . . .” Huh-uh. Nnyaya. Ke mmatla a le mohumgadi!

<sup>164</sup> Oho Morena, ntshole ka fa tlase ga Lentswê. Ee. Mo go Baefeso 5:26, tsela e le nngwe e le nosi e o ka fetang fa gare ga Lentswê lele, ke ga, “O tlhapisitswe ka metsi a tomologo ka Lefoko.” Go jalo.

<sup>165</sup> Jaanong, se letlelele diabolo yona a go gase ka thuto ya gagwe. Nnyaya, nnyaya. Go tlaa bolaya thotloetso ya gago. Se letle diabolo a tsee seo, “Sentle, ke wa leloko la kereke e mmê a neng a le leloko la yona, e rrê, mmamogolo wa me.” Se letle diabolo a go gase ka seo. Baebele e setse e rile, mo Dipakeng tse Supa tsa Kereke, le dilo koo, tsotlhe ga di sa na botshelo! Go jalo. Selo sotlhe se itshekologile. Selo sotlhe ke ntho e tutetseng. Se mo letle a go gase, a re, “Sentle, ke maitseo a mantle a a kwa godimo. Re rutegile go feta go na le ka foo re neng re le ko metlheng ya bogologolo.” Se letle diabolo a beye seo mo godimo ga gago. Ke lo supeditse lenaneo la gagwe lotlhe la tlhabologo, thuto le boranyane. O le tshotse gone ka fa kerekeng, mme lona lo sekâ lwa reetsa leo. Ntshetsang tlhogo ya lona ko ntle ga dithelebišini tse di maswe le dilo!

<sup>166</sup> Mme temana ya rona ya re, “Lo sekâ lwa tshwantshwanngwa, fela lo fetolwe popego.” Eseng go tsena mme lwa re, “Ke ne ka tlhomamisiwa, Letsatsi la Tshipi.” Nnyaya. Tsena teng mme o fetolwe popego jaanong jaana, o fetolwe popego go tloga go se o leng sona, go ya go se Modimo a batlang o nne sona.

<sup>167</sup> Jaanong, go ikaega mo mohuteng wa peo e e leng ka mo go wena. Fa peo ya thuto, ya botlhalefi e ne ya jwalwa ka mo go wena, go selo se le sengwe fela se e ka se dirang, go go golafatsa, ke gotlhе, ko morweng kgotsa morwading wa Modimo. Ke selo se le esi se e ka se dirang. Batho gompieno, jaaka ke leba kwa ntle, ba itshotse jaaka ekete ga ba dumele le e leng mo goreng Modimo o teng.

<sup>168</sup> Itshwareleng polelo ena. Fa maikutlo a mongwe a tlhokafaditswe ke sena, ga ke kae seo. Malatsi a Tshipi a a mmalwa a a fetileng ke ne ka laletswa, ke morwadi o e leng wa me, go tla kwa seteng ya thelebišine le go lebelela go opela ga tsa bodumedi. Ke fa mosong wa Letsatsi la Tshipi. Ke ne ke batla go reetsa Oral Roberts mo lenaneong la gagwe, ke ne ka ba bolelela ba nkitsise. Ne ba re, “O utlwâ sena, mona ke go opela ga difela mo go ntle.” Morwaake a eme fale, ne a mpolella ka ga gone, le ene. Mme ke ne ka tshuba sete eo . . .

<sup>169</sup> Re hira mo mosading yo o nang le thelebišini mo ntlong ya gagwe. Ga ke ikaelele go nna le nngwe mo ntlong ya me. Nnyaya,

rrê. Ga ke batle selo seo mo ntlong ya me. Ke tlaa e thuntsha ka tlhobolo ya me ya dihala. Ga ke batle sepe sa go dirisana le selo se se bosula seo. Nnyaya, rra! Fela ne ka tsaya . . .

<sup>170</sup> Nte ke lo boleleleng ka ga lona Maarizona fano. Lo bone kanoko ele maloba, ya dikolo, a ga lo a dira? Bana ba le masome a a robang bobedi go tswa mo lekgolong mo dikolong tsa Arizona ba bolawa ke bolwetse jwa tlhaloganyo e e sa felelelang, ba le masome a a marataro le bosupa go tswa mo lekgolong ba bona e ne e le ka ntlha ya go lebelela thelebišini. Ga tweng ka ga seo?

<sup>171</sup> Go botoka o dirise tlhobolo ya gago ya dihala! Lo a bona? Jaanong, o sekwa letla diabolo a go gase ka seo. Nnyaya, rra. Jaanong batho, jaaka ke boletse, batho ba itshola ekete ga ba a tshwanela go tla fa Katlhelong.

<sup>172</sup> Basimane bano le basetsana, ba ne ba na le losika lengwe lwa Maintia, le dilwana tse dintsi tse dingwe. Ke akanya gore mogoma mongwe yo go tweng ke Rrê Pool ke tlhogo ya lone. Mme fa nkile ka bona tshotlo ya segompieno ya difela, ke tsela e ba neng ba tsamaisa leo; segopa sa bo Ricky se eme foo, ba ebaebisetsa diatla tsa bona kwa godimo le tlase.

<sup>173</sup> Nna ka tlhomamo ke itumeletse lekau lele fano mosong ono, le neng la opela, ne le lebega le tlottle, jaaka monna wa nneta. Ke—ke rata seo. Fa lona—lona borrakgwebo nako nngwe fano lo tlisa segopa sa bo Ricky se se emang fano, se se tlolakang ebile se goleetsa, mme se tswelela, mme se tshola mohemo wa bone go tsamaya ba nna ba ba bududu mo sefatlheng; mme moo ga se go opela, moo ke fela go dira leratla le legolo la ga boranyane. Go *opela* ke “molodi go tswa mo pelong.”

<sup>174</sup> Mme ke ne ka akanya, “A matlhomola pelo! A dikgala tse e leng tsone! Jalo ka foo ka fa tlase ga leina la bodumedi, ba itshotseng ekete ga go na Modimo!” Mongwe ne a re, maloba, ko mosimaneng yo a etelanang le morwadiake. Mosimane wa Mokeresete ne a re, a e naya kakgelo e ipapanneng ka ga Atamo le Efa, ne a re, “Efa a tsamaya fa gare ga tshimo. Ne a re, ‘Bana, lo bona setlhare sele fale?’ Ne a re, ‘Ke kwa mmê wa lona neng a re jela ntle ga ntlo le legae la rona.’” A lona lo ka tlhatlhanya seo, ne a tshwanetse go nna Mokeresete wa ikanyego, yo o tlaa tsayang tsholofetso le Lefoko la Modimo a bo a le latlhela kgakala ko hokong ya dikolobe! Ba itshotse ekete ga ba a tshwanela go tla mo Katlhelong. Fela Modimo o tlaa tlisa sephiri sengwe le sengwe ka mo Katlhelong. Ba itshotse ekete ga go na Modimo.

<sup>175</sup> Ga ke batle go ba bitsa sematla, gonne Baebele e rile . . . sematla, ga go a siama. Jesu o rile ga go jalo. “Se bitse motho ope sematla.” Fela ko Dipesalome 14:1, “Sematla se rile ka mo pelong ya sona, ‘Ga go na Modimo.’” Lo a bona? Bona, ga ba . . . ga ke batle go ba bitsa dimatla, fela ba itshotse ekete ba jalo. Ba itshola jaaka sone.

<sup>176</sup> Jalo, lo bona kwa re leng teng gompieno, jaaka, "Ga go na Modimo." "Ke leloko la kereke!" Mme bone botlhe, selo se se feletseng, Baebele, ke motlae o mogolo. "Kereke ya rona e itse kwa ba yang gone!" Eya...[Mo go sa theipiwang mo theiping—Mor.]...ka tlhamallo gone kwa diheleng, tota tota. Gone fa tseleng ya bona, gone go fologa ka boranyane le thuto, dikolo tsa baperesita tsa dithuto tsa bodumedi le dilo, di ba fokela fela gone go fologa tsela. Mowa o o Boitshepo ga o na tshono go naya tshenolo mo go sepe; sekolo sa boperesita se setse se e dirile e kgaoletswe ntle.

<sup>177</sup> Mowa o o Boitshepo o tshwanetse go re etelela pele; eseng sekolo sa boperesita, eseng bobishopo le baokamedi, le jalo jalo. Mowa o o Boitshepo ke Moeteledipele wa rona.

<sup>178</sup> Kaine o ne a le motho yo o jalo jaaka yoo. O ne a le yo o dumelang ka nnete. Jaanong, fa bodumedi e le gotlhe mo o tshwanetseng go nna le gone, ka lebaka leo Modimo o ne a sa siama ka go atlholo Kaine. Ka gonne, o ne a dumela, o ne fela a dumela gape a tlhwaafetse jaaka Abele ne a ntse. Jaanong gakologelwang, o ne a akanya ka ga Modimo, o ne a obamela Modimo, o ne a na le kereke, o ne a aga aletare, o ne a dira setlhabelo, o ne a rapela, o ne a obamela, fela o ne a ganwa. Go sa kgathalesege ka foo... Esau neng a le jalo, le ene. Lo a bona?

<sup>179</sup> Bodumedi, lo a bona, eo ke kgwebo ya ga Satane; eseng go bolaya selo sotlhe, fela go se kgotlela fela. Ke gotlhe. Ena ga ile go bolaya selo sotlhe. Ao, eseng makomonisi; nnyaya, nnyaya, moganetsa-Keresete ga se bokomonisi. Baebele ne ya re, "Go tlaa tsietsa Baitshenkewi fa go ne go kgonega." Se lemogeng sesiro sa tshipi, fela sengwe se se selaole. Uh-huh.

<sup>180</sup> Fela, lemogang, Kaine o ne a tla go obamela, fela o ne a na le peo e phoso ka mo go ena, peo ya nogra. Mosumo wa nogra o ne o sumile mo godimo ga gagwe, gonnie o ne a le peo ya mosadi. O ne a itse thato e e itekanetseng ya Modimo, fela o ne a gana go e dira. A lo ne lo itse seo? Satane o itse thato ya Modimo, fela o gana fela go e dira.

<sup>181</sup> Lemogang, o ne a bone Modimo a rurifatsa molaetsa wa ga Abele. Jaanong ke batla lona lo akanyeng, dirisang Sefo ya lona ya motho yo o akanyang jaanong motsotsso. Molaetsa wa ga Abele o o nepagetseng, o Modimo a neng a o rurifatsa go nna Boammaaruri! A lone lo a goga jaanong? Uh-huh. Molaetsa wa ga Abela o ne o amogetswe, mme Kaine o ne a go bona a bo a itse gore Modimo o ne a rurifaditse molaetsa oo go nna o o siameng. Fela ena o ne fela a sa kgone go go dira. Boikgogomoso jwa gagwe bo ne jwa mo thibela mo go one. Go jalo, boikgogomoso jwa gagwe bo ne jwa mo thibela go o dira. O ne a bone Modimo a rurifatsa molaetsa.

<sup>182</sup> Jalo ekete go jalo jaanong, go bokete thata jang gore batho ba ikokobeletse Lefoko la Modimo. Bona, bona fela ga ba batle

go go dira. Ba tlaa ikokobeletsa thuto ya kereke, go tlhomame, fela eseng ko Lefokong la Modimo.

<sup>183</sup> Fa lo batla go bona sena, lo yeng ko . . . Ke na le Dikwalo fano, ke tse ke umakang ka tsona fano. Genesi 4:6 le 7, Modimo ne a raya Kaine a re, ne a re, “Ke eng fa sefatlhego sa gago se wele? Ke eng fa wena o tletse ka bogale, o tsamaya fa tikologong? O fetsa fela go utlwa molaetsa o o go ferethlhileng.” Ne a re, “Sentle, o dira seo ka ntlha ya eng? Goreng sefatlhego sa gago se wele, ka gore ga ke A ka ka tla ka ko kerekeng ya gago? Jalo gobaneng o ne wa go dira?”

A wena o dirisa Sefo ya motho yo o akanyang? Lo a bona?

<sup>184</sup> Kgotsa, “Gobaneng o sa ka wa . . . Goreng o lebega jalo?” Ne a re, “Fa o tlaa dira sentle, tsamaya o dire jaaka morwarrago a dira kwa ntle kwale, Ke tlaa go amogela le go go segofatsa. Ke tlaa go direla selo se se tshwanang.” Fela ena ne fela a sa kgone go go dira. O ne a re, “Jaanong, fa o sa dire, boleo jwa go dumologa bo letse fa mojakong.”

<sup>185</sup> Jaanong fa ba re bolelela, “Malatsi a metlholo a fetile,” ba go bona ka boitekanelo jang go tlhomamisitswe ebile go rurifaditswe, lo a bona, dilo tsotlhе tseна tse Modimo a soloeditseng gore O tlaa di dira mo metlheng ya bofelo, tsa ga Tshenolo 10 le Malaki 4, dilo tsotlhе tseо di rurifaditswe ka boitekanelo jalo, bothata ke eng, bakaulengwe? Ke eng se se phoso, lo a bona?

<sup>186</sup> Fa ba sa dire; tumologo, e e leng boleo. Go boleo bo le bongwe fela, jona ke, tumologo. Go jalo. Ga o atlholwe ka gonne o a nwa, goga, tlhafuna, apara bomankopa, o dira le fa e ka nna eng se o se dirang. Nnyaya, seo ga se go atlhole. Ke ka gonne ga o dumele. Fa o ne a o dumela, o ne o ka sekа wa dira seo. Lo a bona? Modumedi ga a dire seo. O tsaya Sefo ya monna yo o akanyang, lo a bona, lo a bona, kgotsa Sefo ya mosadi yo o akanyang, le fa e ka nna e le nngwe. Go jalo. Fela, lo a bona, boleo bo letse fa mojakong.

<sup>187</sup> Jaanong lemoga se seo se se dirileng ko go Kaine, mme go ile go nna mo go tshwanang gompieno. Se ne sa dira Kaine a tsamaye, a le moleofi wa ka bomo. O ne a tlhoka tsebe ka bomo. Motho mongwe le mongwe o tlide go nna ka tsela e e tshwanang. A tlhoka tsebe ka bomo morago ga gore a bone molaetsa wa ga Abele o rurifaditswe ke Modimo, gore o ne o le boammaaruri, mme a gana go o dira. Ne a dira selo se se tshwanang ka nako eo. Foo o ne a tlola mola o o aroganyang.

<sup>188</sup> Go na le mola o o ka o tlolang. Lo itse seo, a ga lo dire? [Phuthego ya re, “Amen.”—Mor.] Jaanong, badiredi, mo go bedi fano le kwa ntle kwa lefatsheng la mo—mogala kwa kgaso eno e tlhang e ralala setshaba, a lo lemoga seo? Motlheng o bona gore ke Lekwalo, mme o tlaa sekа wa go dira, Modimo a ka se tlhole . . . Ena o tlaa . . . Ao, lo tlaa tswelela, lo segofala. O ne a le jalo mongwe le mongwe wa Israele, ba ne ba tshela gone ko bogareng

ga naga, mme ba godisa bana ba bona, dimela tse di lengwang ka bontsi, mme ba segofala, le sengwe le sengwe, fela “mongwe le mongwe wa bona a katogane le Modimo ka Bosakhutleng.” Jesu ne a rialo. Ao, ee, Modimo o tlaa go segofatsa gone go tswelela, fela wena o ile. Ka tlhomamo. Ke se Baebele e se bolelang jaanong, ke se A se boletseng. Lemogang, o kgona go tlola mola o o kgaoganyang. A lo dumela seo? [“Amen.”] Kaine o ne a dira.

<sup>189</sup> Nteng re—nteng fela re buleng ka kwano fano motsotso, ke na le Bahebere 10:26. A re boneng fa nka kgona go e bona gone ka bonako. Buka ya Bahebere, kgaolo ya bo 10 le te . . . ke a dumela, temana ya bo 26. Ke na le yona e kwadilwe fano. Motsotso fela, fa lo tlaa intshokela, mme a mpe fela re E baleng motsotso. Go siame, rona re fano.

*Gonne fa re leofa ka bomo morago re sena go . . .  
amogela kitso ya boammaaruri, go tlaa bo go sa tlhole  
go na le setlhabelo sa boleo,*

*Fa e se tebelelo nngwe e e boitshegang ya katlholo le  
bogale jwa molelo, o o tla lakailang baganetsi.*

<sup>190</sup> Moo ke LEFOKO LA MODIMO LE LE BOITSHEPO LE BUA JAANA LE RE. Fa re dumologa ka bomo morago re sena go O bona mme re O utlwile, foo re ka kwa moseja ga mola. Go tlie go se tlhole go nna le tshwarelo epe ya gone, lona lo kgabagantse mola.

“Ao,” lo re, “Modimo o santse a ntshegofatsa.” Ao, eya.

<sup>191</sup> Gopolang Iseraele, mela ya melelwane. Motlhang Modimo a neng a ba neela tsholofetso, ka kwa ko Lefatsheng le le Boitshepo; ko lefatsheng, le ne le le molemo, la maši le tswine. Mme erile Moše a ne a romela Kalebe le Joshua, le batlhodi, go ya ka kwa moseja mme ba tlhole naga, mme ba tlisa tshupo e e rurifaditsweng.

<sup>192</sup> Ba le lesome ba bona ba ne ba re, “Re ka se ka ra go dira. Ga re kgone. Lebang bothata foo. Re tlaa nna digogotlo. Re na le dilwana tsena tse dinnyennyne go tlhabana ka tsone. Lebang tse ba nang natso. Rona, rona re ka sekra go dira. Ga re a nonofa go go dira.”

<sup>193</sup> Joshua le Kalebe ne ba re, “Re nonofile go feta go go dira! Modimo o dirile tsholofetso.”

<sup>194</sup> Mme, gakologelwang, ba ne ba boela morago. Moo go ne go le kwa Kateše-barenea. Mme ba ne ba boela morago ba bo ba nna bakalakatlegi ko bogareng ga naga. Mme mongwe le mongwe wa bona o ne a swa, mme o timetse ka Bosakhutleng. Jesu ne a rialo.

<sup>195</sup> O sekra wa tlola mola oo o o kgaoganyang, lo a bona. “Fa o itse go dira molemo, mme o sa go dire, ko go wena ke boleo.”

<sup>196</sup> Iseraele e ne ya dira se se tshwanang. Morago ba sene go bona Moshe a tlhomamisitswe, mme foo ba bo ba letla Balame a ba gase, Peo ele e e ratiwang thata e e tlhomamisitsweng. Modisa,

o seká (le ka motlha ope) wa bua sepe kgatlhanong le Lefoko lena. Leba Balame, o ne a le moporofeti, mme o ne a bone Peo ya Modimo e rurifaditswe. Fela fa tlase ga lekoko la gagwe le legolo le neng a tshela mo go lone, Moabe o ne a bona segopa sele sa bakalakatlegi se tla se ralala naga, a bo a se gasa, a bo a re, "Sentle, emang motsotso. Rotlhe re Bakeresete. Rotlhe re badumedi. Goreng, borraetsho le borralona ba a tshwana. A rona ga re bana ba ga Lote? A Lote o ne a se setlogolo sa ga Aborahama? A rona rotlhe ga re tshwane? A re nyalandaneng." Mme Iseraele, jaaka Efa ko tshimong ya Etene, ne a lettelela Satane a mo gasa, o ne gape a gasa Iseraele ka moporofeti wa maaka. E le gore, moporofeti wa nnete o ne a na le bona, ka Lefoko le le rurifaditsweng. Fela ka ntlha ya kakanyo ya botlhale ya kitso, o ne a ba gasa. Akanya ka ga gone. Jaanong, ga go a ka ga itshwarelw, boleo joo ga bo a ka jwa itshwarelw.

<sup>197</sup> Dipeo di ne tsa bola gone mo tseleng ya maikarabelo, mo tseleng ya kwa lefatsheng le le sololeditsweng. Mongwe le mongwe wa bona o ne a nyelela mme a bola, gone ka tlhamalalo ko kerekeng, mo moleng wa maikarabelo, ba latela Modimo. Mme ba lettelela Satane a gase kgatsho eo ya botlhale mo godimo ga bone, kakanyo ya thuto, ya botlhale, e reng, "Gobaneng, rona rotlhe re a tshwana, rotlhe re bana ba Modimo." Ga lo bona! Fela o ne a lettelela morutabana oo wa maaka a ba gase ka kakanyo eo ya botlhale e a neng a na nayo ya Lone.

<sup>198</sup> Mme fela jaaka Lekgotla la Ekumenikele le dira jaanong jaana, lo a bona, selo se se tshwanang, "Goreng, rotlhe re tlaa ipataganya ga mmogo mo lekgotleng le le lengwe le legolo." Tsamaiso ya lona yotlhe ya bolekgotla ke ya ga diabolo. Ke letshwao la sebatana, mo Baebeleng. Ke tlaa nna le buka ka ga sone, gautshwane thata, Morena a ratile.

<sup>199</sup> Lemogang, ko nakong ya ga Noa, ba neng ba bona Lefoko le ne le agiwa, go kokobala. Jaanong nteng ke direng tshwaelo e nnye fano, Lefoko le neng le agiwa gore le tle le fetolwe popego go tloga mo mmung go ya kwa mawaping. Ba neng ba bona popego ya selo se; fela ka dikakanyo tsa bona tsa bothhale, ne ba tshega mo sefatlhegong sa moporofeti, Noa, motlhlang a neng a porofetela motlha wa bofelo. Fela ke eng se se dirilweng... Kago eo e ne e dirilwe ka Lefoko la Modimo, se thibilwe ka boka ka fa teng le ka fa ntle, ka thapelo le tumelo. Erile dipula di tla, dikakanyo tsotlhe tsa bothhale di ne tsa swa tsa bo di bolela gone ka mo di... gone ka mo dikerekeng tsa bona, gone mo godimo ga lefatshe. Mme areka e ne ya kokobala kwa godimo ga tsone tsotlhe. Peo e neng e gasitswe ka boranyane e ne ya bolela gone ka mo katlhlong.

<sup>200</sup> Ke eng se re lekang go se dira, ntswa go ntse jalo, a re leka go tlhomamisa kereke ya rona kgotsa a re leka go tlhomamisa Lefoko la Modimo? Ke eng se re lekang go se dira? Ke eng se re berekang mo go sone? A re leka go busetsa batho morago mo

go Sena? Ke eng se Efa yo mogolo yo a lekang go se dira fano mo metlheng eno ya bofelo, Efa yona wa kereke?

<sup>201</sup> Ke ile go tshwanelo go tlogela jaanong jaana, mokaulengwe, ka gonne go-go nna thari thata. [Mokaulengwe a re, “Tswelela!”—Mor.] Nneyeng fela metsotso e mengwe e lesome le metso e metlhano, mme ke tlaa khutla fa Dikwalong tsa me-tsa me fano. [“Ka tlhomamo, tswelela pele.”] Eya. Go siame. Ke a itse. Sente, batho kooteng ba batla go tsena teng ka fano ba bo ba phepafatsa mona. Fela nna go ekete go bokete gore nna ke tlogele. [“Tswelela fela pele.”] “Sente, ga go na leptlapotla lepe.”] Ke tlaa itlhaganelo. Go siame.

<sup>202</sup> Lebang, Efa yo mogolo wa maranyane, wa thuto, wa tlhago e e tswakantsweng gompieno, yo go tweng ke kereke, ke eng se a lekang go se dira? A ena o leka go goletsa kwa godimo Lefoko la Modimo, a bo a lettelela batho ba dire ka tsela e ba dirang ka teng? Bone ga ba dirise Sefo ya motho yo o akanyang, kgotsa, Sefo ya Modimo. Lebang gore ke eng se ba se ntshang. Ba ikgoletsa kwa godimo. Kereke e dira jalo, mo lenaneong la kitso la yone la peo e e golafetseng, e dirile lotso lotlhe le nne le le tlhokang kitso ya Lefoko la Modimo ka ntlha ya boranyane. Jaanong ke tlaa tshwara ditshwaelo tseo, ga ke yo tshwarelela mo go tsone lobaka lo lo leelee jaanong, gore ke wetse. Bothhoka kitso ka ntlha ya maranyane! Fa Modimo, gone fano mo lefatsheng, a dira dilo tse A di dirang, ka Lefoko la Gagwe le le solofeditsweng, mme bona ba a Le tlhokomologa ba bo ba tsamaela kgakala ka gonne bone ba tlhoka kitso mo maranyaneng. Ba tlhoka kitso mo maranyaneng!

<sup>203</sup> Ke ne ke nyenya ka nako ele ka gonne Mokaulengwe Williams fano, o kwadile fano mo setoking sa pampiri, “O ka nna fa go yone motshegare otlhe wa maitseboa,” sengwe. Fela, nna ke lebogela seo, moo go molemo thata tota. Lo a bona?

<sup>204</sup> Fela batho ba—ba leofa ka bomo. Gone go tlisitse tsatsamaiso yotlhe ya lefatshe la kereke ka mo boleong jwa ka bomo kgathlanong le Modimo. Gobaneng, bosiami jo bo tlwaelesegileng bo tlaa go rurifaletsa gore Go siame. Go siame. Lesire la boiphethlo le foufaleditse matlho a gagwe, Lefoko la Modimo, mme ena o iphitlhela gape a sa ikatega. Lo a itse, Modimo, mo go Tshenolo 3, ne a re, “Tlaya, o reke setlolo sa leitlho mo go Nna, gore matlho a gago a tle a bulege.” Lo a bona, setlolo sa leitlho ke Lefoko la Gagwe.

<sup>205</sup> O a itse, ba re, “Sente, motho yona o ne a ithuta dinyaga di le masome a manê, go nna le digarata tsa gagwe. Ena ke B.L.D., D.D., le tsotlhe tsena.”

<sup>206</sup> A lo a itse Jesu ne a reng ka ga seo? O ne a re, “A motho a itatole.” Paulo o ne a dira.

Lo re, “Moo ga go kae seo.”

<sup>207</sup> Sentle, ke gobaneng Paulo a ne a go latela, ka nako ele? O ne a re, “Ga ke ise ke tle ko go lona ka mafoko a a raelang a botlhale jwa motho, ka gore lo ne lo tlaa aga ditshepo tsa lona mo go seo. Fela ke tla ko go lona ka thata le diponatshego tsa Mowa o o Boitshepo, gore lefoko la lona le tle le nne . . . tumelo ya lona e tle e agege mo Lefokong la Modimo, e seng diponatshego tsa botlhale bongwe.”

<sup>208</sup> Go lebega ekete batho ba latlhegetswe ke bosiami le boingotlo jwa bona. Ga ba jaaka ba ne ba tlwaetse go nna ka teng. Go ne go tlwaelegile gore, fa moporofeti a ne a rile, “MORENA O BUA JAANA A RE,” batho ba ne ba tetesela. Eya, ka tlhomamo ba ne ba dira. Batho ba ne ba sutu, ka gonnu ba ne ba tshoga. Fela jaanong ba latlhegetswe ke letshogo lotlhe la Gone. Ga ba tshabe Modimo.

<sup>209</sup> Solomone ne a re, “Po—poifo ya Modimo ke tshimologo ya botlhale,” tshimologo ya jone fela.

<sup>210</sup> Fela moporofeti a ka bua MODIMO O BUA JAANA A RE; batho ba re “ditlontlokwane!” Lo a bona, ga gona tshepo ka ntluha ya bona. Gone ke, ba re, “Goreng, rona re tlhaga. Re batlhalefi, ga re tlhoke gore re tsee dilwana tseo! Re itse se re buwang ka ga sone!”

<sup>211</sup> Ke gape seane se segologolo, gore, “Dimatla di tlaa tsamaya ka ditlhako tse di tsentsweng dipekere, kwa Baengele ba tshabang go gata.” Ka tlhomamo.

<sup>212</sup> Jaanong, phetogo ya popego ke eng? (Ka bofeso.) Re e fitlhela jang? Ke eng se se dirang phetogo ya popego? Modimo o e dira ka Mowa wa Lefoko la Gagwe. O fetola popego. O jwala Peo ya Gagwe, a latlhele Mowa wa Gagwe mo go Yone, mme Yone e ntsha maduo. Mowa wa Gagwe o o Boitshepo o fetola ka fa teng popego ya Peo ya Lefoko gore e rurifatswe e le mohuta wa yone.

<sup>213</sup> Mohuta wa peo e wena o leng yone, sone se supetsa fela se se leng ka mo go wena. Wena o ka sekwa go fitlha. Le fa e ka nna eng se o leng sone ka fa mo teng, se supegela ka fa ntlu. Wena fela o ka sekwa go tshabela. O ka sekwa dira setlhare sele sepe fa e se se leng sone. Lo a bona, sone—se ile go nna ka tsela eo. Mowa o o Boitshepo o fetola popego ya dipeo tse di ka fa teng ga tsone. Go sa kgathalesege gore ke mohuta ofeng wa peo, O tlaa e fetola popego. Fa e le bosula, yone e tlaa tlisa bosula. Fa e le moitimokanyi, yone e tlaa tlisa moitimokanyi. Fa e le Lefoko la Modimo la mmannete, yone e tlaa tlisa morwa kgotsa morwadia Modimo wa mmannete, ka Sefo ya motho yo o akanyang. Motlhlang Peo e tlhatlogang, e tla fa gare ga Eo, Yone e dira morwa le morwadia Modimo.

<sup>214</sup> Ka letsatsi lengwe fa lefatshe le letse ka fa lefifing la tlhakatlhakano, Modimo . . . Jaanong reetsang ka tlhwaaafalo, ka gonnu ga re yo buwa . . . fela gannyennyane go feta. Lebang. Letsatsi lengwe motlhlang lefatshe le neng gape le le mo

mehuteng yotlhe ya ditumelo, ba tlhatswa diatla, dipitsa, ba apara dipurapura tse di farologaneng le dihutshe, le jalo jalo, le ne le letse ka fa gare ga tlhakatlhakano e e feleletseng. Iseraele ya mmannete ya Modimo e ne e sokamisitswe thata jang go tloga mo melaong le ditaong tsa Modimo, Jesu ne a re, "Lona, ka dingwao tsa lona, lo dira Lefoko la Modimo le se nne le nonofo mo bathong, ka dingwao tsa lona." Mme lebang ko go bona baperesiti bao ba ba boitshepo, ba ba bitsa; mme Jesu ne a re, "Lona lo ba ga rralona, diabolo, mme ditiro tsa gagwe lo a di dira." Lo a bona, seo ke totatota se A se buileng.

<sup>215</sup> Jaanong fa lefatshe le letse ka mo mohuteng o o jalo wa bothata, Mowa wa Modimo o ne wa feta gape mo godimo ga Peo e e neng e thomamiseditswe pele. O ne a phuthololela le go fetolela popego ya ga Isaia 9:6 go tsholofetso ya Lone; Ene, Modimo, o ne a dirwa ka mo nameng ya motho, go pholosa nako eo ya tlhakatlhakano. Motlhlang motho a neng a dirilwe mo setshwanong sa Modimo, ke fa go tla Modimo, ka moporofeti a go bonelapele... Jaanong gakologelwang Lefoko, moporofeti o ne a go bonelapele, fela moporofeti yo o tshwanang yo o boneng Satane mo metlheng eno ya bofelo, lo a bona, wa ga lenaneo lena la dithuto le dilo tse a nang natso, lenaneo la tsa bodumedi. Moporofeti yo o tshwanang, Isaia 9:6, ne a re, "Re tsaletswe Ngwana, re neilwe Morwa; mme Leina la Gagwe go tlaa twe ke 'Mogakolodi, Kgosana ya Kagiso, Modimo Mothatiolhe, Rara wa Bosakhutleng.' Mme ka ga puso ya Gagwe go ka se nne le bokhutlo." Mme Lefoko leo ke Lefoko la Modimo. Mme Mowa o ne wa tsamaya mo godimo ga Lefoko leo, mme Le ne la bopega ka mo sebopelong sa morwetsana; Motho, "Morwa o tsetswe," eseng o tlhodilwe, "tsetswe."

<sup>216</sup> Satane o ne a leka a ba a leka gape, go Le gasa. O ne a Mo gwethla a bo a re, "Fa Wena o le yo Wena o reng O ena, ka lebaka leo ntirele nngwe ya phodiso ena fano. Mpontshe ka foo O ka goo dirang ka teng. Fetolela, senkgwe sena, le majê ana e nne senkgwe. Nte re Go bone o itatlhela ka tlhogo pele, ka gore Dikwalo dire Wena o tlaa go dira."

<sup>217</sup> Lo a ba bona bodiabolo bao ba sedumedi gompieno ba santse ba buwa selo seo se se tshwanang? "Fa go na le selo se se jaaka phodiso ya Semowa; fano go letse Mokaulengwe *Semang-mang*, nte re bone wena o mo fodisa."

<sup>218</sup> Diabolo yoo o ne a ema kwa sefaapanong sa ga Jesu, a bo a re, "Fa Wena o le Morwa Modimo, fologa go tloga mo sefaapanong."

<sup>219</sup> Lefoko le rile O ne a le Morwa Modimo. Mowa o rurifaditse gore O ne a le Morwa Modimo. Isaia 9:6 e na ya diragadiwa. Mme bosigo jwa maloba, ba le bantsi ba lona lo ne lwa utlwa ka mo kgasong ka foo re neng ra neela Dikwalo di le masome a marataro le sengwe, go batlile, ke a dumela, ka ga go rurifatsa gore Lekwalo ne la bua gore Moo e ne e le Ena.

<sup>220</sup> Ao, Satane o ne a leka a ba a leka gape, go dira sengwe le sengwe. Bosigo bongwe, a ne a letse kwa morago ka fa sekepeng, o ne A mmona a robetse. Mme o ne a re, “Ke tlaa Mo senya gone jaanong.” Fela ga a a ka a kgona.

<sup>221</sup> O ne a leka go Mo raela go direng selo se se phoso, fela ga a a ka a kgona go go dira. Goreng? Ena o ne a gasitswe ka sebolaya ditshedinyana sa tlhomamisetso pele. E ka sek a ya tsietswa. Nnyaya, nnyaya. Lefoko le rile O tlaa nna fano. Amen. Ga go na diabolo ope yo o ileng go Mo tshwenya, le morwa Modimo ope o mongwe, yo o tlhomamiseditsweng pele go tsaya lefelo la gagwe. Ena o gasitswe ka sebolaya ditshedinyana. Botlhole jwa ga Satane, bongaka ba makoko ga ba Mo kgome le go mo kgoma gotlhelele. Ena o tswelela gone go bapa, ga go sepe se se ileng go Mo tshwenya, lo a bona. Ga go a ka ga nna le nonofo epe mo go Ena.

<sup>222</sup> “Sentle, ke tlaa Go dira mobišopo wa lefatshe lotlhe. Ke na le taolo mo godimo ga lone. Fa fela Wena o tlaa nkobamela, tswelela kwano o ipataganye le setlhophsa sa me, ke tlaa—ke tlaa Go dira mmusi. Ke tlaa fologa, ke go lettelele O tlhatloge.”

<sup>223</sup> O ne a re, “Tlaa ka fa morago ga Me, Satane. Go kwadilwe, ‘O tlaa obamela Modimo, Lefoko, mme o tlaa direla Ena a le esi.’” Ga tloga ka letsatsi lengwe . . .

Mo Mothong yo mogolo yona, ke tlaa rata go nna foo lobakanya.

<sup>224</sup> Fela letsatsi lengwe, Mowa o ne wa feta mo godimo ga Gagwe gape; ka gore gone go na le Lefoko lengwe le le neng le kwadilwe ka ga Ena, le tswa ko go Modimo, ka moporofeti, “Mme O ne a etelelelw a pele kwa botlhabelong, jaaka kwanyana.” Mme Mowa o ne wa feta mo godimo ga Gagwe, mme wa Mo etelela pele, wa ba wa Mo romela kwa sefapaanong sa Golegotha. Koo O ne a swa. Mme sengwe le sengwe se se neng se builwe ka ga Ena ko lesong la Gagwe, se ne sa diragatswa, go tlisa Lesedi le Botshelo go Peo yotlhe e e laoletsweng pele ya Modimo e e neng e le mo lefatsheng. O ne a tlisitse tsela ya go go dira. Peo ke e, Mowa o tlisa Botshelo; o fetola popego ya barwa le barwadia Modimo, go tswa mo lefatsheng mo tlhakathakanong e e lefifi ena, mo goreng ba nne bomorwa le bomorwadia Modimo.

<sup>225</sup> Lo sek a lwa kgopiwa fa lefokong leo “tlhomamisetso pele.” Ke a itse lo a dira. Fela, reetsang, Lone ga se lefoko la me. Ke lengwe la Mafoko a Modimo. A lo batla go lebala, balang Baefeso 1:5, e leng, “O re tlhomamiseditse pele go dirweng barwa ka Jesu Keresete.” Lo a bona?

<sup>226</sup> Mpe fela ke e phuthololeng fela motsotso, motsotso fela, go ntsha sena mo monaganong wa lona. Lebang. Fela jaaka o ne o ntse ka mo go rraago, kwa tshimologong, peo ya botshelo. A lo ne lo itse seo, mongwe le mongwe wa lona? O ne o le ka mo

go rraagomogolo-golo-golo, le wena, a o ne a o itse seo?  
[Phuthego ya re, "Amen."—Mor.]

<sup>227</sup> Buisa Buka ya Bahebere, kwa re fitlhelang gore Lefi o ne a duela karolo ya bosomê fa a ne a le mo lothekeng lwa ga Aborahama, dikokomana di le nnê kwa morago ga gagwe. Fa Aborahama a ne a duela karolo ya bosomê ko go Melegiseteke, go ne ga balelwga go morwa-morwa-morwaagwe tlase kwa tlase ga gagwe, mme ka nako eo o ne a le mo lothekeng lwa ga Aborahama. Ke wena yoo. Lo a bona?

<sup>228</sup> O ne o le mo lothekeng lwa ga rraago, fela rraago o ne a sa kgone go nna le kabalano epe le wena go fitlhela o ne o fetolelwa popego ka mo mmeleng wa nama.

<sup>229</sup> Morwaake fale o ne a le ka mo go nna. Nna—nna—nna ke ne ke batla morwa, fela o ne a le ka mo go nna ka nako eo. Lo a bona? O ne a le ka mo go nna ka nako eo. Fela ka lenyalo, o ne a fetolelwa ka mo popegong ya motho jaaka nna, mme ka lebaka leo a fetoga go nna jaaka nna.

<sup>230</sup> Mme wena o fetoga go nna jaaka batsadi ba gago, lo a bona, ka gore go ne go le ka mo go wena, go tloga tshimologong. Jaanong fa rona re le barwa ba Modimo, dikao tsa Gagwe... E leng gore, wena o sekao sa ga rraago, e seng mmaago; rraago. Peo ya botshelo e letse ka mo go rra. Lo a bona? Mme jaanong mmaago o ne a le sethutafatsi se se go tsetseng, se tsala peo ya ga rraago. Lo a bona?

<sup>231</sup> Mme lefatshe, ka nama, le lona ke sethutafatsi se se tsalang peo ya Modimo. Lo a bona, totatota fela. E seng lefatshe, ka foo lefatshe le leng legolo ka teng; ke ka foo a leng mogolo Modimo yo o le dirileng. Lo a bona? Lo a bona?

<sup>232</sup> Jaanong fa o le morwa le morwadia Modimo, ka lebaka leo o ne o le ka mo go Modimo kwa tshimologong. Wena o sekao sa Gagwe. Fa o ne o se koo ka nako eo, ka lebaka leo ga o ise o nne teng kgotsa ga o ke o nna gone.

<sup>233</sup> Gobane, ga ke kgone go tsala, go tswa mo lothekeng lwa me, morwa wa monna yona *fano* kgotsa monna yole *fale*, ke kgona fela go tsala barwa ba e leng ba me, mme ba tlaa nna le setshwano sa me. Aleluya. Lo a e bona?

<sup>234</sup> Barwa le barwadi ba ne ba le ka mo go Modimo kwa tshimologong. Jaanong lebang. O na le Botshelo jwa Bosakhutleng, lo re. Re dumela seo, gore re na le Botshelo jwa Bosakhutleng. Sentle, go na le popego e le nngwe fela ya Botshelo jwa Bosakhutleng, mme eo ke Modimo. Ke sona selo se le esi se se leng Bosakhutleng, ke Modimo. Ka lebaka leo fa o na le Botshelo jwa Bosakhutleng, Botshelo joo jo bo leng ka mo go wena bo tlhotse bo le teng, mme o ne o le mo lothekeng lwa Modimo pele ga go nna le e leng lefatshe. Mme erile Lefoko ka Sebele... Jesu ka Sebele o bidiwa Lefoko, mme ko go Moitshepi Johane 1, ne a re, "Ko tshimologong go ne go le Lefoko, mme Lefoko le ne le

na le Modimo, mme Lefoko le ne le le Modimo. Mme Lefoko le ne la dirwa nama la bo le dula mo gare ga rona.” Ka nako eo o ne o le mo lothekeng lwa ga Jesu, ebole o ne wa ya Golegotha le Ene. O sule le Ena, mme o ne wa tsoga le Ena. Mme gompieno re dutse mo mafelong a Selegodimo ka mo go Ena, re tladitswe ka Mowa wa Gagwe, barwa le barwadia Modimo. Re swa le Ena, re tsositswe le Ena. Go tlhomame.

<sup>235</sup> Jaanong ka lebaka leo, jaanong, jaanong o ka abalana le Ena. O ne o ka se kgone kwa morago kole, ka gonne o ne a le fela Lefoko ka mo go Ena, peo. Fela jaanong Ena o go bonatshitse, mme jaanong Ena o batla gore wena o abalana le Ena. Ka lebaka leo O ne a fologa, ne a dirwa nama gore A kgone go abalana le wena ka boitekanelo. A lo bona kabalano e e itekanetseng? Ijoo, one masaitseweng a a tseneletseng a Modimo! Ka foo a gakgamatsang! Lo a bona, Modimo o ne a sa kgone go abalana ka mo Moweng, jalo Modimo o ne a fetoga go nna motho le rona.

<sup>236</sup> Jesu Keresete o ne a le Modimo ka Sebele, a bonatshitswe, gobane, O ne a le Morwa gobane O ne a tssetswe, fela e ne e le motlaagana fela gore Ena a tshele ka mo go one. “Ga go motho yo o kileng a bona Modimo le ka nako nngwe, fela morwa yo o Tsetsweng a le esi wa ga Rara o ne a Mo itsise.” Modimo o ne a Ikagela ntlo, mmele go tshela mo go one, a fologa gore o tle o kgone go Mo ama. Timotheo wa Ntlha 3:16, “Kwa ntle ga kgang, bo bogolo bosaitseweng jwa bomodimo; gonne Modimo o ne a bonatshwa mo nameng, a bonwa ke Baengele, a dumelwa go tswelela, a amogelwa godimo kwa Legodimong.” Lo a bona? Jaanong Ena . . .

<sup>237</sup> Lona lo leng nama, le Ena a leng nama, ka lebaka leo le ka abalana jaanong, ka gore O ne a le sekao sa Modimo sa lerato. Modimo ke lerato. A go jalo? Mme Jesu o ne a le sekao sa Modimo sa lerato. Mme erile sekao sa lerato se bonaditswe, e leng gore, seo e ne e le Modimo ka Sebele; dikao tsotlhe tse di neng di itshwareletse mo go Ena, di ne tsa tla kwa go Ena, “Boltle ba Rara a Nneileng bona, ba tlaa tla ko go Nna.” Go tlhomame, ba ne ba tshwanetse ba bo ba tlhomamiseditswe pele. Fa e le gore go ne go se jalo, o ka bo o se foo. Ke gotlhe. Ka tlhomamo.

<sup>238</sup> Jaanong re ka abalana, e ne e le ka dikhu—dikhumo tsa Lefoko la Gagwe, mme mo go tse o leng karolo ya tsone. O karolo ya Lefoko; ka gonne O ne a le Lefoko kwa tshimologong, wena o Lefoko jaanong. Lo a bona? Ke a rera bosigong jono, kgotsa ka Letsatsi la Tshipi kgotsa lengwe la malatsi motlhlang ke tlang, ka ga se Lefoko le leng sone, lo a bona. Mme jaanong lona lo karolo ya Lefoko.

<sup>239</sup> Reetsang. Go selo se le sengwe se nka se kgoneng go se dira. Nka seka ka kgona go ipelafatsa ka bagologolo ba me. Nnyaya, nna ke tswa fa gare ga matladika a a boitshegang. Rrê o ne a le monna wa Moaerishi. Mmê o ne a le Mointia wa tlhago e e

tswakaneng, Mointia o o halofo; mmaagwe o ne a le Mointia, ne a gola madi-a-bogodi. Jaanong, botlhe ba bona, matagwa, bontsi go feta thata go botlhe ba bona bo sule bo apere ditlhako tsa bona, baa lwa, batlhabani ba ditlhobolo, le jalo jalo. Nka se ipelafatse ka sepe ka ga seo, ka gonne bagologolo ba me le losika lwa me ke le le boitshegang.

<sup>240</sup> Fela, mokaulengwe, go na le selo se le sengwe se nka ipelafatsang ka sone, nka ipelafatsa ka Morena Jesu wa me Ŷena yo o nthekolotseng. Mme ka thata ya Gagwe ya go fetola popego a jwala peo, ka tlhomamisetso pele, mme ke ne ka E bona. Ke morwa mang jaanong? Eya. Nka ipelafatsa ka Ena. Mme ke tshetse dinyaga di le masome a le mararo le boraro tsa botshelo jwa me, ke ipelafatsa ka Ena. Fa Ena a tlaa nthekegela dinyaga di le masome a mararo le boraro tse dingwe, ke tlaa leka go ipelafatsa go feta ka Ena. Lo a bona? Nka ipelafatsa ka Mogologolo wa me, aleluya, Ena yo o nthekolotseng mme a jwala peo ya Botshelo teng ka *fa*, mme a nttelelela ke lebelele fatshe mo Lefokong lena, a romela Mowa wa Gagwe fa fatshe a bo a re, "Lona ke lena. Bua *lena*, mme se tlaa diragala. Dira *seo*." Mme ijoo, nka ipelafatsa ka Ena! Ena O ne a go dira jang? Ka tlhapiso ya metsi ka Lefoko, metsi a tomologo. Ke eletsa o ka re re ka kgona go go tlhalosa.

<sup>241</sup> Badumedi ba nnete ba ba tlhomamiseditsweng pele ba tlaa nna le Lefoko ka gonne bone ke karolo ya Lefoko leo.

<sup>242</sup> Ao, dinaledi tse di kalakatlegang, le tlaa kalakatlega lobaka lo lo leele go fitlha leng? Lona Mamethodisti, Mabaptisti, Mapresbitheriene, batswantle, le fa e ka nna mang yo o ka tswang o le ena, dinaledi tse di kalakatlegang, go tswa kerekeng go ya kerekeng, go tswa pinagareng go ya lofelong, le thelebiseneng yo ya thelebiseneng, lefatsheng go ya lefatsheng, goreng o sa tswelele o tle? Ena o eletsa thata go nna le kabalano le wena. O go tlhogeletswe thata. Ena o batla go go fetola popego ka ntšhwafatso ya monagano wa gago, e seng go kereke kgotsa go lekoko, fela go Lefoko la Gagwe, le e leng gore, o karolo ya lone fa keletso eo e le ka mo go wena.

*Go lesego bao ba ba tshwarang ke tlala ebile ba nyorelwa tshiamo: gonne ba tlaa kgorisiwa. (O a bona? Uh-huh.)*

<sup>243</sup> Mme e ne ya romela thata ya Gagwe ya go fetola popego, go go ntsha mo bogoleng jona jwa ga bodumedi jo o leng ka mo go jone. Ka mo tlhakatlhakanong ena ya bogole e re leng mo go yone, Modimo o rometse thata ya Gagwe ya go fetola popego, Lefoko la Gagwe, le tlhomamisitswe, le rurifaditswe, go le ntshetsa ntle ga bogole jwa ga bodumedi jwa botlhoka kitso jo le tsamayang ka mo go jona, "lo sa ikatega, lo foufetse, lo sotlega, mme lo sa go itse." Akanyang ka ga gone, ditsala.

<sup>244</sup> Lo a itse, Modimo o rometse thata ya Gagwe ya go fetola popego go diragatsa Lefoko la Gagwe, a bo a fetola mmele otlhe wa ga Sara le Aborahama. A fetola popego ya monnamogolo le mosadimogolo, ka gonne O ne a soloeditse gore O tlaa go dira.

<sup>245</sup> Mme se Modimo a sololetsang go se dira, seo O tlaa se dira. Ga go sepe, sengwe le sengwe . . . Selo sepe se se sokamisitsweng, Modimo a ka sek a dira sepe ka sone. Fela Ena o tlaa tshegetsa Lefoko la Gagwe, mme O tlaa romela Mowa wa Gagwe! “Nna Morena ke E jwetse. Ke tlaa E nosetsa motshegare le bosigo, e sere mongwe a tle a e swatole mo diatleng tsa Me.” Baebele e bua seo.

<sup>246</sup> Ao, dinaledi tse di kalakatlegang, wena ka keletso ka mo pelong ya gago! O tshwanetse o nne le yone, kgotsa o ka bo o sa nna fano mosong ono. Mme lo ka bo lo se mo dikerekeng tseo le dintlolehahala tseo, le dilo tse lo leng ka mo go tsone, kwa ntle le go ralala naga, fa Sengwe se ka bo se sa go tlisa teng koo. Motho mongwe o buile le wena. Se tsamaele pejana gope. Go na le thapiso ya metsi ka Lefoko, e e tlaa go dirang mosweu jaaka sefokabolea. Ao, bomorwa Modimo, reetsang! Se saleng mo bogoleng joo. Tswayang mo go jone. Aborahama o ne a dumela Modimo, mme a bitsa sengwe le sengwe se le tshwanologo . . .

<sup>247</sup> Lo re, “Ke tlaa dira itshetso ya me jang? Ke tlaa dira *sena jang*?” Eo ke tiro ya Modimo. “Nna ke tlaa dira jang? Bankane ba tlaa ntlanogela.”

<sup>248</sup> Modimo ne a re, “Yena yo o tlaa tlogelang rraagwe, mma, mosadi, monna, malapa, dintlo; Ke tlaa ba naya malapa le matlo, Ke tlaa ba naya borra le bomma, le bomorwarre le bokgaitsadi, mo lefatsheng leno, le Botshelo jwa Bosakhutleng ko lefatsheng le le tlang.” Ke tsholofetso, tsala. Seo, ao, seo se tshwanetse se nosetswe! Tsholofetso nngwe le nngwe e Modimo a e dirang e a diragala. Peo nngwe le nngwe ya Modimo ke tsholofetso.

<sup>249</sup> Mme, kgaitsadi, tlogela go poma moriri oo, ka gonne ke selo se se sa tlwaelegang fa pele ga Modimo. Tlogela go apara diaparo tseo, ke se se makgapha ko go Ena!

<sup>250</sup> Lona bakaulengwe, lona banna, khutlisang go fepa makoko ano, mo go direng dilo tse, le go letlelela bomogatso ba dira dilo tse jaaka tsena. Go a rona ko go Bakeresete.

<sup>251</sup> Boelang morago ko Lefokong! Tsayang Lefoko leo, Lone le tlaa gola. Le tshwanetse go gola. Thata ya Modimo e e fetolang popego e e Le tlhatlositseng kwa tshimologong, Ena o fela mo tseleng ya Gagwe ya go boa, a Le busetsa morago gape jaanong. O boela gone ko morago gape ko go neng go le gone.

<sup>252</sup> Henoge o ne a tlolagantshetswa, go tloga losong, ka thata ya Modimo ya go fetola popego. Ke ka ntsha ya eng Modimo a ne a dira seo? Go nna mohuta wa Kereke e e phamolwang e e tlang. Eya. Elia o ne a le mo go tshwanang.

<sup>253</sup> Mmele wa ga Jesu o ne wa rudisiwa morago a sena go swa. Mme ko lebitleng, mmele wa ga Jesu o ne wa rudisiwa ke Lefoko la Modimo; mme wa fetolwa popego, go tloga mo setshwanong se e suleng, se se tsidifetseng, go ya go Morwa Modimo yo o tsositsweng, yo o galaleditsweng. Ka gonne moporofeti, Dipesalome 16:10, fa lo batla go e kwala fatshe, 16:10, ne tsa re, “Ga Ke tle go tlogela mowa ya Gagwe wa botho kwa diheleng, le e seng go tlogela Yo o Boitshepo wa Me go bona go bola.” Oho Modimo!

<sup>254</sup> Lefoko leo le tshwanetse le diragale, Ke Lefoko la Modimo! Le jwale ka mo pelong ya gago, fa o batla go tsamaya mo Phamolong. Fa lo batla go nna Bakeresete ba mmannete, bayang Lefoko lena. Jaaka ke dumela e ne le Hesekiele, Modimo o ne a re, “Tsaya Lekwalo le le mennweng leo mme o le je,” gore moporofeta le Lefoko ba tlaa fetoga go nna ba ba tshwananang. Mme tsholofetso nngwe le nngwe teng ka foo e tshwanetse e iponatshe, ka gore ke Peo ya pelepele ya Modimo. O se letle moithutintshi mongwe wa dithuto tsa bodumedi yo o rutegileng fa ntle fano a leke go E pompela kwa ntle ga gago. Se mo letle a go gase ka boranyane joo jwa senama le kitso, le thuto. Dumela Modimo!

<sup>255</sup> Aborahama ga a a ka a tsaya patlokitso ya boranyane ya motlha wa gagwe, a re, “Ke tsofetse thata go nna le lesea, ke tsamaile kgakala thata. Ke dire *se, sele, kgotsa se sele*.” Fela o ne a bitsa sengwe le sengwe se se neng se le kgatlhanong, go Lefoko la Modimo, jaaka ekete se ne se seyo. Mme ga a a ka a thetheekelela tsholofetso ya Modimo, ka tumologo; fela o ne a le thata, a neela Modimo pako. O ne a itse gore Modimo o ne a kgona go diragatsa seo se A neng a se soloeditse.

<sup>256</sup> Ao, barwa ba ba kalakatlegang, ba golafaditswe ke metantanyane ya lefatshe le! Bokgaitsadi ba ba kalakatlegang, ba mafelo le mekgabo ya lefatshe lena di le gogileng! Mme, kgaitsadi yo o rategang thata, wena o ka nkogopola ke le motho yo o tsofetseng wa megopolo e e sa tlwaelesegang, fela lengwe la malatsi ano mothhang o kgatlhanang le se Florence Shakarian a kgatlhaneng naso bosigo jwa maloba; o ne a ntse ka mo kamoreng e, le ene, mo lefelong lena, jaaka lo itse. Motlhlang o kgatlhanang le seo, o tlaa fitlhela gore, e sang nna, fela Lefoko lena le nepagetse. Tswayang mo mabentleleng ao a babeodi, mabentleleng ao a mekgabo. Tswayang mo dilong tseo.

<sup>257</sup> O re, “Goreng o sa ba rute dilo tse dikgolo, ka foo ba ka nnang sena?” Simolola fela ka di ABC tsa gago, mme morago re tlaa tla kwa go dipalo. Lo a bona? Simololang fela go ithuta, “mo e leng tirelo ya lona e e lebaganyeng.”

*Ke a lo lopa ka moo, bakaulengwe, ka maatlwelo  
botlhoko a Modimo, gore lo ntshe mmele wa lone e  
le setlhabelo se se tshelang, se le boitshepo, mme se*

*amogelesega ko Modimong, mo e leng tirelo ya lone e e lebaganyeng.*

<sup>258</sup> Wena o dire fela “tirelo ya gago e e lebaganyeng,” Modimo o tlaa tlhokomela tse dingwe tsa yone; lo a bona, fela go tlhaloganya dilo tse wena o ka di tlhaloganyang ka bowena mme wa di dira. A gone ga se... A ga se mo go sa lebaganyeng gore mosadi a itsole, mme a tswele ntie fano a bo a itsholo jalo, fa Baebele e go atlholo? A ga se mo go sa lebaganyeng gore motho a itatlhele ka mo thutong e jaana ya kereke jaaka e re nang le yona compieno, le dilwana tsotlhe tseno fano, le dilwana tsotlhe tsena tsa sekolo sa boperesita, le dilwana tse di jaaka tseo, fa go le gotlhelele kgathlanong le Lefoko la Modimo? Lo a bona?

<sup>259</sup> Dipounama tsa ga Jesaya, o ne a le fela motho yo o tlwaelegileng wa dipounama tse di itshekologileng. O ne a re, “Morena, ke mo gare ga batho ba ba itshekologileng, mme ke na le dipounama tse di itshekologileng. A tatlhego ya me wee ka gore ke bone Modimo.” Mme Moengele o ne a fologa, a tsaya Molelo, Molelo o o Boitshepo go tswa mo aletareng ya Modimo, a bo a fetola popego ya dipounama tsa gagwe; go tloga go dipounama tsa motho yo o kalakatlegang, go ya dipounameng tsa moporofeta o nang le MORENA O BUA JAANA A RE. Thata ya Modimo ya go fetola popego!

<sup>260</sup> Batshwara ditlhapi ba le lekgolo le masome a mabedi, le—le barekisi ba banny ba ba godileng ba tse di selaole, ba basadi, le bao ba neng ba ikgobokanyeditse ko kamoreng e e kwa godimo mme ba tswaletse mejako, bangwe ba bona ba sena thuto e e lekaneng go saena maina a bona. Modimo o ne a ba fetola popego go tloga go batshwari ba ditlhapi, go ya batshwari ba batho; go tloga banneng le basadi mo mmileng, go ya go baitshepi ba Modimo, ba ba sa sweng. Thata ya Modimo ya go fetola popego!

<sup>261</sup> Paulo, leloko la kereke ya fa gae, Presbitheriene, Methodisti, Baptisti, Bopentekoste, kgotsa sengwe; go fologa ka mmila o ne a ya, ka mowa wa gagwe o mogolo wa go gana go obamela ka mo go ena, gore ena o ne a itse go feta go na le ope wa bona. O ne a goletse ka fa tlase ga Gamaliele, mongwe wa barutintshi yo o botoka go feta thata yo neng a le teng mo nageng. Go diragetseng mo tseleng ya gagwe a fologela kwa Damaseko, go bona segopa sa batho ba ba neng ba dumela Lefoko la Modimo? Mo tseleng ya gagwe golo koo, ne a itaelwa fatshe, mme o ne a utlwa Molaetsa. Mme O ne wa mo fetola popego ya gagwe go tloga go leloko la kereke le mokerek; go ya go moporofeta wa Modimo, yo neng a kwala Lefoko la Modimo, ka mo Kgolaganong e Ntshwa. Go tloga go leloko la kereke go ya go moitshepi!

<sup>262</sup> Ao, naledi e e kalakatlegang, a re emeng. Morwa yo o kalakatlegang, Peo e e kalakatlegang e e tsamayang go tloga lefelong go ya lefelong, mo bogoleng jona; retologang, mosong

ono, bana. Tsweetswee ntheetseng jaaka mo—jaaka monna yo o lekang go ema magareng a batshedi le baswi.

<sup>263</sup> Kwa ntle go ralala naga ka kwa kwa kgaso e tlang gone fa lo santse lo gokagantse, lona ba lo kalakatlegetseng ka mo lefelong, tsweetswee nnang fela motsotso go feta. Ke a itse gore go thari fano mo Tucson kgotsa, ke a lopa lo intshwareleng, Phoenix, ke metsotso e e masome mabedi go ya go lesome le bobedi. Mme ke nnile le batho bano fano moso otlhe. Ke lo dirile lo nne kgakala le tiro ya lona le dilo. Fela bona, tsala e e rategang thata, wena o ka tswa o le kgakala le Modimo ka bosaengkae. Tsweetswee boa mosong ono. A ga lo ke lo dire? Go na le bonno ko Motsweding.

Kwa bojelong bogologolo, ke a itse go jalo ruri,  
Lesea le ne la tsalwa go pholosa batho mo  
boleong jwa bona.

Johane o Mmone mo letshitshing, Kwana ka  
bosakhutleng,  
Ao, Keresete, Mmapolwa wa Golegotha.

Ao, ke rata Monna yole yo o tswang Galelea, yo  
o tswang Galelea,

Gonne O ntiretsese tse dintsi thata thata.

O intshwaretse maleo a me otlhe, a tsenya  
Mowa o o Boitshepo ka fa teng;  
Ao, ke rata, ke rata Monna yole yo o tswang  
Galelea.

Mokgethisi o ne a ya go rapela ko tempeleng  
koo letsatsi lengwe,

O ne a lela, “Oho Morena, nkutlwel  
botlhoko!”

O ne a itshwarelwa boleo bongwe le bongwe, le  
kagiso e e tseneletseng ya bewa ka fa teng;

O ne a re, “Tlayang lo bone Monna yona yo o  
tswang Galelea.” Go jalo.

Digole di ne tsa tsamaisiwa, dimumu tsa  
buisiwa,

Thata ele e ne ya buiwa ka lerato mo godimo  
ga lewatle;

Difofu di ne tsa bontshiwa, ke a itse go ka nna  
fela

Kutlwelo botlhoko ya Monna yole yo o tswang  
Galelea.

<sup>264</sup> Tshwantsha seo le bodiredi jwa gompieno.

Mosadi kwa sedibeng, Ene maleo a gagwe otlhe  
ne a a bolela,

Ka foo banna ba le batlhano a neng a na le bona  
fa nakong eo.

O ne a itshwarelwa boleo bongwe le bongwe, le  
kagiso e e tseneletseng ya bewa ka fa teng;  
O ne a lela, “Tlayang lo boneng Monna yole yo  
o tswang Galelea!”

<sup>265</sup> Mosadi, Ena a ka dira mo go tshwanang. O buisitse pelo  
ya gago mosong ono. Monna, O buisitse pelo ya gago. Ao,  
mokgethisi, a re rapele!

Ao, ke rata Monna yole yo o tswang Galelea, yo  
o tswang Galelea,  
Gonne O ntiretsse tse dintsi thata thata.  
O intshwaretse maleo a me, a tsenya Mowa o o  
Boitshepo ka fa teng;  
Ao, ke rata, ke rata Monna yole yo tswang  
Galelea.

<sup>266</sup> A ga lo ke lo Mo rate, le nna, mosong ono? Ao, moleofi yo o  
fapogileng, yo o kalakatlegang, fano kgotsa ntle koo kwa o ka  
tswang o le gone, a wena o tlaa amogela Morena wa me mosong  
ono? Ena ke Lefoko, mme Lefoko le tlisitswe ko go wena. A wena  
o ka se Mo amogele mosong ono? A o tlaa tsholetsa diatla tsa gago  
kgotsa wa ema ka dinao tsa gago, kgotsa sengwe, mme o rapele,  
o re, “Ke batla go Mo amogela gone jaanong. Mokaulengwe,  
ke a rata. Ke batla gone jaanong go Mo amogela.” A o tlaa  
ema ka dinao tsa gago, mongwe le mongwe yo o batlileng go  
rapelelwa, mme o re, “Nna ke . . .” rapeletswe, ke raya seo, “Nna  
ke moleofi. Ke batla . . .” Modimo a go segofatse, rra. Mongwe o  
sele? Mongwe le mongwe a rapele jaanong, motsotso fela.

Ao, ko bojelong jole bogologolo, (go ne go le mo  
tlhakatlhakanong, lo a itse, lefatshe lo ne lo  
le jalo), mme ke a itse go jalo ruri,  
Lesea le le nnye le ne la tsalwa go pholosa  
batho mo boleong jwa bona.  
Erile Johane a Mmona mo lethshitshing, O  
ne a le Kwana eo ka bosakhutleng, (Yo o  
tshwanang gompieno)  
Ao, Ena ke Keresete, Mmapolwa wa Golegotha.

<sup>267</sup> A ga lo ke lo Mo rate gompieno ka pelo ya lona yotlhe, gore  
lo tle lo tswe mo seemong se sa selefatshe se lo dutseng mo  
go sone? Lona basadi, lona banna, ao, lo nnetse eng fano nako  
yotlhe eno? Go ya go supegetseng gore go sengwe golo ka mo go  
wena, go sengwe foo se se tshwerweng ke tlala ebile se nyorilwe.  
Lo ka bo lo sa bo lo nnile fano dioura tseno tse pedi kgotsa  
tse tharo, lo ntse ka mo kagong eno jaana; go sengwe. A lona  
lo ka se se utlwe gompieno? Tlogelang mekgabo le maranyane,  
le dilo tsotlhe tsa lefatshe, di fetele kgakala le monagano wa  
lona jaanong jaana, mokaulengwe yo o rategang thata kgotsa  
kgaitadi yo o rategang thata.

Dikereke di a kopana, ditshaba tse dikgolo di  
a thubega, Iseraele e a thanya,  
Ditshupo tse baporofeta ba di boleletseng pele;  
Metlha ya Baditshaba e badilwe, ka dikepu ba  
imeditswe;  
“Boang, Oho lona bafaladi, ko go ba ga lona.”

Letsatsi la thekololo le gaufi,  
Dipelo tsa batho di a retelelwaa ka ntlha ya  
letshogo;  
Tladiwang ke Mowa, nnang le dipone tsa lona  
di lokisitswe mme di le phepa,  
Lelalang, thekololo ya lona e gaufi!

Baporofeta ba maaka baa aka, Nnete ya  
Modimo ba a e latola,  
Gore Jesu ena Keresete ke Modimo wa rona.

<sup>268</sup> Jaanong, moo ke boammaaruri. Lo itse seo, rona rotlhe,  
motlha o re tshelang mo go one.

Fela O rile go tla nna Lesedi go ka nna nako ya  
maitseboa,  
Tsela e e yang Kgalalelong lo tlaa e bona ka  
nnete.

<sup>269</sup> Leo ke letsatsi le re tshelang ka mo lone gone jaanong. Lesedi  
le tlaa phatsima fela fa maitseboeng fa lefifi le tsena, nako ya  
lotlatlana, kopa dilalelo.

Lotlatlana le kopa dilalelo,  
Mme morago ga moo lefifi!  
Mma moo go se nne le khutsafalo epe ya go  
laela,  
Motlhlang nna kwa bofelong ke pagameng;

Gonne gotlhe fa ntle go tshotswe ke nako le  
lefaufau,  
Mme merwalela e ka nthwalela kgakala,  
Fela ke batla go bona Mofofisi wa me  
difatlhego di lebane  
Motlhlang ke kgabantseng mopako.

Se mpolelele, ka dipalo tse di hutsafetseng,  
Gore botshelo ke fela toro e e lolea!  
Mme mowa wa botho o sole o o robalang,  
Mme dilo ga di se di eketeng ke tsone.

Eya, botshelo bo popota! Mme botshelo bo  
tlhwaaafetse!  
Mme lebitla ga se maikaelelo a jona;  
Gonne wena o lorole, loroleng o a boela,  
Go ne go sa buiwa ka ga mowa wa botho.

Matshelo a banna ba bagolo otlhe a a re gopotsa,  
 Mme re ka dira matshelo a rona a boleng jwa kwa godimo,  
 Mme, ditaelano, di tlogela morago ga rona,  
 Metlhala mo mešaweng ya nako;  
 Metlhala, e motlhamongwe mongwe,  
 Fa a sa šepa fa konokonong ya botshelo e e sisimosang,  
 Mokaulengwe yo o itlhonegileng a senyegetswe ke sekepe,  
 Mo go boneng, o tlaa kgothatsega gape.  
 A re thanyeng, ka lebaka leo, mme re direng,  
 Ka pelo kgatlhanong le kgotlheng epe;  
 Se nneng jaaka motlhape o o semumu, o o kgorometswang!  
 Nnang bagaka mo komanong!

<sup>270</sup> Modimo yo o rategang thata, ke ba Gago. Ke bone banna ba le babedi ba emelela ka dinao tsa bona, Ntate. Ke a rapela, Modimo, gore O tlaa ba tsaya jaanong. Ba batla go nna barwa ba Gago. Ba thantse mo bothokeng kitso jwa botshelo jo ba ileng ba bo phela, mme jaanong ba batla go ntšhwafatswa, ba dirwa mo go ša, ka kolobetso ya Mowa o o Boitshepo mo godimo ga Peo eo e nnileng ya jwalwa ka mo dipelong tsa bona letsatsi le. Modimo wa Bosakhtleng, Motlhodi wa dilo tsotlhe, Wena o dirielng Lefoko la Gago, mme ke a dumela gore O itsile gore banna bano ba tlaa dira seno mosong ono. Ke a rapela, Morena, gore O tlaa nosetsa Lefoko leo, motshegare le bosigo, mme o se lettelelele Satane le goka go le swatola mo diatleng tsa Gago. Mma e nne setlhare se nakonngwe se tlaa, ko Parateising ya Modimo, motlheng yotlhe e busetswang morago gape, gonne Lefoko la Gago le ka se retelelwé, e tlaa nna gone gape. Gonne lefatshe leno...

<sup>271</sup> Mme ga go tle go nne le mohuta o wa tlhabologo ko lefatsheng le le tlang. Ga go tle go nne le dikoloi dipe kgotsa sepe se maranyane a kileng a ba a se etsa. Ga go tle go nne le dilo tse jaaka tseko lefatsheng le le tlileng go tla. Fela e tlaa nna mohuta wa tlhabologo o e Leng wa Modimo o Ena a tlaa o tlhomang ko pusong e e galalelang. Gonne, mo tlhabologong ena go bolwetsi, loso, khutsafalo, mabitla, le go tlhoka. Fela ko Bogosing jole jo bo tshwanetseng go tla, ga go na loso lepe, khutsafalo epe, bolwetsi bope, botsofe bope. Oho Modimo, gotlhe go tlide go nna go ntšhwakole, ko tlhabologong ya Gago.

<sup>272</sup> Modimo, re fetole popego gompieno, ka thata ya Gago, ka go ntšhwafadiwa ga monagano wa rona, go retologa go tloga dikarolwaneng tse di nnyennyane tsa lefatshe lena jaanong, go ya ko Lefokong la Modimo. Mme mma re ntšhwafadiwe ka thata

ya go fetola popego ya Modimo mo godimo ga Peo e e leng ka mo pelong ya rona, gore re a dumela, go nna ditshedi tse go tweng barwa le barwadia Modimo. Ena ke thapelo ya me ko go Wena, Rara, ka ntlha ya batho, mo Leineng la Jesu. Amen.

<sup>273</sup> Jaanong ko go lona ba lo leng ko ntle ka mo kgasong, le fa e ka nna kae kwa lo leng teng, ke batla lo amogeleng Keresete kwa ntle koo, jaaka Mmoloki wa sebele sa lona, mme lo tladiweng ka Mowa wa Gagwe. Mafoko a a nnileng a buiwa mosong ono, mma a wele ka mo pelong ya lona. Mme a mpe moo lo amogeleng Jesu. Mme lo lebeleleleng botshelo jwa lona, mme lo tlaa bona se lo se tshelang morago. Mme lo tseyeng Sefo ya motho yo o akanyang fano. Lo ipona lo dira sengwe se se tshwanologang Lefoko lena, tlogang mo go yone, gone ka bofeso. Lo a bona? Gonne, go na le Sefo e e tsholang loso kgakala le wena, eo ke Lefoko la Modimo. Mafoko a Gagwe ke Botshelo, mme one a tlaa lo sireletsa mo losong.

<sup>274</sup> Lona batho fano jaanong ba ba leng ka mo ntlolehalahaleng, ke lo tshotse fano lobaka lo lo leele. Ke a le leboga ka ntlha ya go nna teng ga lona. Ke a rapela gore Modimo a ka sek a lettelela Peo ena e swe. Ke a tshepa ga lo akanye gore ke eme fano fela go buwa dilo tsena go nna yo o faroganeng. Ke go buwa ka lebaka la lerato; le go itse gore ke fa ke sale yo o swang, jaaka ke ntse jaanong, ke yona nako e le esi e ke tlaa kgonang go rerela batho. Mme ke rata Jesu Keresete. Ena ke Mmoloki wa me. Mme gakologelwang, nka bo ke nnile ko ntle kole ko mmileng fa go ka bo go sa nna ka ntlha ya Gagwe. Nka bo ke nnile ko ntle kole; batsadi botlhe ba me, batho botlhe ba me, ba ne ba le baleofi. Fela Modimo, ka thata ya Gagwe ya go fetola popego, ke a itse e ne ya dira setshedi se se faroganeng se tswe mo go nna. Mme nna nka—nna nka e buelela mo go wena, go nna molemo. Mme e tlaa tshegetsa mo dioureng tsa bothata. Le e leng ko losong, kwa mojakong, ga o na letshogo lepe. “Ga go sepe se se ka re kgaoganyang mo leratong la Modimo, le le leng ka mo go Keresete.” Mma Modimo a segofatse mongwe le mongwe wa lona, mme a lo neele Botshelo jwa Bosakhutleng.

<sup>275</sup> Ke ba le ba kae ka fano ba ba senang Peo ya Modimo, kolobetso ya Mowa o o Boitshepo? A lo tlaa la tsholetsa fela seatla sa lona, lo re, “Nkgopole, Mokaulengwe Branham, gore ke tle ke amogelete Mowa o o Boitshepo oo.” Jaanong o tseye Lefoko ka mo pelong ya gago—ya gago, mme o Le dumele. Jaanong fa lona . . . Lo kgona go iteba. Yaang golo koo mme lo lebeng ka mo seiponeng, mme lo ka kgona go bona kwa lo leng gone. Lo a bona, lo kgona go itse.

<sup>276</sup> Lo re, “Sentle, nna ga ke a tsholetsa seatla sa me, ka gonne ke dumela gore ke na le gone.”

<sup>277</sup> Iteba ka mo seiponeng, foo o tlaa kgona go bona gore ke mohuta ofeng wa mowa o o go tsietsang, lo a bona. Go akanya mo

go tsieditsweng! “Go na le tsela e eketeng e siame mo matlhong a motho, fela bokhutlo jwa yone ke ditsela tsa loso.” A moo ke boammaaruri?

Golo ko mokgorong kwa Mopholosi wa me a  
suleng teng,  
Golo koo ka ntliha ya go itshekisa mo boleong  
ke ne ka lela;  
Ao, koo mo pelong ya me Madi a ne a dirisiwa;  
Kgalalelo . . .

<sup>278</sup> Tswalelang fela matlho a lona, motsotso jaanong, mme fela le Mo opeleleng eo. A re tsholetseng fela diatla tsa rona.

Kgalalelo go Leina la Gagwe, Leina la Gagwe  
le le botlhokwa!  
Kgalalelo go Leina la Gagwe!  
Koo mo pelong ya me Madi a ne a dirisiwa;  
Kgalalelo ko go la Gagwe . . .

<sup>279</sup> Ke batla lona Bakeresete lo dumedisaneng ka seatla, ba ba pholositsweng.

Nna ke pholositswe mo go gakgamatsang thata  
go tswa mo boleong,  
Jesu ka botshe jo bontsi o dula ka fa teng,  
Koo ko mokgorong kwa a Nkamogetseng teng;  
Kgalalelo go Leina la Gagwe!

Kgalalelo go Leina la Gagwe, Leina le le  
botlhokwa!  
Kgalalelo go Leina la Gagwe!  
Ao, koo mo pelong ya me Madi a ne a dirisiwa;  
Kgalalelo go Leina la Gagwe!

<sup>280</sup> Madi a na le peo ya Botshelo mo go One, lo itse se. Ena ke ko go bona ba ba sa Mo itseng.

Ao, tlayang ko Motsweding ona o o tletseng  
thata mme o le botshe;  
Latlhela mowa wa gago wa botho o o  
humanegileng fa dinaong tsa Mopholosi;  
Ao, thabuela teng gompieno, mme o feleletswe;  
Kgalalelo go Leina la Gagwe!

Ao, kgalalelo go . . .

A re obeng ditlhogo tsa rona jaanong jaaka re e opela.

Kgalalelo go Leina la Gagwe!  
Koo mo pelong ya me Madi a ne a dirisiwa;  
Kgalalelo go Leina la Gagwe!

<sup>281</sup> A lo a Mo rata? [Phuthego ya re, “Amen.”—Mor.] Paulo ne a re, “Ke tlaa opela mo Moweng. Ke tlaa obamela mo Moweng.” A re e opeleng ka bonolo totatota gape, ka diatla tsa rona di tsholetswe.

<sup>282</sup> Lo a itse, bothata jwa gona, rona batho ba Mapentekoste, re latlhegetswe ke boitumelo jwa rona, re latlhegetswe ke maikutlo a rona. Jaaka Billy Graham a ne a bua bosigo jwa maloba, “Bareri bao, dikholoro di retolositswe, ba fologela Borwa, ba opa diatla tsa bona, mme ba itaela dinao tsa bona godimo le tlase mo mmung, mme ba tibela, ba ne ba na le sengwe se ba neng ba itumetseng ka ga sone.” Sentle, eya, ke na le Sengwe se ke itumetseng ka ga sone. Lo a bona? Lo a bona? Eya. Eya, re latlhegetswe ke maikutlo a rona.

<sup>283</sup> Jaanong a mpe fela re tsholetseng diatla tsa rona. Se tshwenyegeng ka ga dikeledi, ga di na go utlwisa sepe botlhoko, lo a bona. Moo ga go utlwise botlhoko. “Ena yo o tsamaelang pele a jwala, ka dikeledi, go se pelaelo o tlaa boa gape, a tlisa di dingata tse di rategang.” Go siame.

Kgalalelo go Leina la Gagwe, Leina le le  
botlhokwa thata!

Kgalalelo go Leina la Gagwe!

Koo mo pelong ya me Madi a ne a dirisiwa;

Kgalalelo go Leina la Gagwe!

Kgalalelo go la Gagwe... (Oho Modimo!  
Bakang Modimo!)

Kgalalelo go Leina la Gagwe!

Nwetsa Peo, Morena, ka mo pelong!

Mo pelong ya me Madi a ne a dirisiwa;

Kgalalelo go Leina la Gagwe!



*THATA YA MODIMO YA GO FETOLA POPEGO* TSW65-0911  
(God's Power To Transform)

Molaetsa o ka Mokaulengwe William Marrion Branham o rerilwe la ntlha ka Sekgowa mo mosong wa Lamathatso, Lwetse 11, 1965, o rerelwa sefitlholo sa Kabalano ya Borakgwebo ya Ditšhabatšhaba ya Efangedi E E Feletseng kwa Ntlong ya Baeng ya Ramada ko Phoenix, Arizona, U.S.A. O tserwe mo theiping ya makenete mme wa gatisiwa ka Sekgowa o sa khutswafadiwa. Phuthololo e ya Setswana e ne ya gatisiwa le go abiwa ke ba Voice Of God Recordings.

TSWANA

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwá go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)